

續纂山陽縣志

ル 5

3282

4



九 5  
3282  
卷 4

續纂山陽縣志卷十三

藝文

藝文一門當分系四部按類區分不相雜廁惟鄉里務張  
先輩著述意在表章藉此以存其人采取不無稍濫今姑  
仍舊貫或補或續存佚兼載不能盡覈實登錄閱者鑒之  
丁晏周易述傳二卷周易解故一卷周易訟卦淺說一卷  
尚書餘論二卷禹貢集釋三卷禹貢錐指正誤一卷書蔡  
傳坳釋二卷毛鄭詩釋四卷詩攷補注補遺三卷鄭君詩  
譜考正一卷毛詩陸疏校正二卷詩集傳坳釋一卷儀禮  
釋注二卷周禮釋注二卷禮記釋注四卷佚禮扶微二卷

昭和十八年  
八月十八日  
購求

左傳杜解集正八卷春秋胡傳申正四卷孝經述注一卷  
孝經徵文一卷論語孔注正偽四卷說文通說一卷史記  
毛本正誤一卷鄭司農陳思王陶靖節陸宣公年譜四卷  
石亭記事二卷淮亭脍錄二卷北宋汴學二體石經記一  
卷金天德大鐘款識一卷元鑄祭器南宋古塼記共一卷  
頤志齋碑帖敘錄一卷馬班陳范四史餘論五卷學毅二  
卷文毅四卷焦氏易林釋文四卷投壺考原一卷子史粹  
言一卷淮南萬畢術一卷楚詞天問箋一卷頤志齋詩文  
集十六卷曹集銓評十卷山陽詩徵二十四卷枚陳合集  
二卷輯張丞齋遺集一卷 王恂野嘯軒詩存 曹駒聽

風水吟廬詩鈔 焦承秀青瓊夢記 郝其轄含真草閣  
詩鈔 楊謹筆耕齋詩鈔 邱奐醒廬雜著 程鳴鳳梧  
軒詩稿 王潛綠蔭山房詩存 程德均因壽吟 邱奕  
齋種遺草 許純耕餘小草 汪奉恩不繫舟詩草 程  
擢厚餘堂古文 安東籍 鮑掄彥九經漢學三通通靜虛齋  
全集 鮑掄弼立經堂集 方其洪環山居士小稿 朱  
駿圖雨笠賸稿 丁曇綺園詩稿 盧生夢餘草堂詩集  
一卷 盧貞吉淮塢逸事雜著 盧藹吉聽雨軒詩詞  
薛超曾覆瓿草 李啟山扶疏閣詩 李允清問渠遺稿  
鹽城籍 董廷琛古今體詩三卷 周宜松風草榭詩集

邵承誌澗河三說 宋繼遜帝始末一卷 王春芳山陽

所見集寄廬詩集詩話筆記 陳兆昌分蘭吟館詩存

吳昆田流寓漱六山房詩文集清河籍 程步榮味書草堂詩

集 程煩竹坪詩存 黃燦退一步軒詩存 陳學程醉

竹軒詩草 李元庚餐花吟館詩集山陽河下園亭記望

社姓氏考梓里待徵錄 楊慶之補一草亭詩文集歌棗

移詩話春宵臆贖 劉如玉守拙軒偶筆 潘亮弼一好

齋遺稿 薛江寒山子詩 胡克敬漱六齋詩文集 范

光斗吟舫集 李治平月波軒詩稿 楊翼之笑山遺草

二卷 王準鏡湖集 潘榮錦一勺亭稿 楊謙浣花詩

草 張振起課餘偶筆 王端晚香齋集 王重鏡蓉詩

鈔 王德風白筒嗣響集 王德嘉西田勤業集 尹耕

雲心白日齋奏議詩文集桃源籍 丁壽徵補葆素齋詩集

南還草春秋異地同名考 曹應熊講易齋古文鈔讀經

識疑讀史識所見海東胸東澗東京東詩鈔各一卷 段

逢元毛詩輯注二卷 楊順之明鑑隨筆二卷文選碎金

四卷不賢識小二卷觚贖 汪奉璋石隱居詩鈔 張景

炬麗洲剩稿 陳晉竹軒類稿 陸瑞生浣雪齋詩草

王樹荔塘詩草 黃運自怡亭詩詞 韋錚味真齋遺稿

秦友白白鳴齋稿 任開祥寄傲軒詩草 周曙東古

農子詩集 詹煜抱悟軒初成草 邱玉符悟亭詩乘

秦煥劍虹居詩文集 孫焯漱石山房筆記 潘亮夔六

畦齋詩文集車橋聞見記 潘亮熙渾齋詩文稿 陸懷

生沆雲齋遺草醉花館詞 丁壽祺雙棠書屋存稿海隅

從事錄西行日記 高延第老子證義廣韻重文補注涌

翠山房詩文集 邵麗生崇古詩文鈔 丁瑞珍幸存書

屋詩文鈔二卷 蔡瑞芝興之所至集 朱蟾研農詩集

丁顯導淮圖說請復河運芻言十三經諸家異字同聲

考丁氏聲鑑音韻指迷諧聲譜睢甯志稿菊花百詠寄綠

軒詩文類稿 郭斗二東草堂詩集 徐寶書冷壺閒詠

潼陽鐸韻華艾旅吟從厚齋偶存 張葵怡然堂詩鈔

黃鈞宰比玉樓遺稿金壺七墨 王德驥紅豆山房詩鈔

鮑桂生藏書樓文集十卷駢文鈔二卷求是齋詩鈔四

卷江皖從戎詩鈔一卷津門詩鈔一卷歷下詩鈔一卷燕

南趙北詩鈔二卷 陶森林三秦紀略四卷 胡以德容

藤書屋甫稿 邱裕來綱目存疑一卷小芙遺草 劉熙

廷鈕月山房詩鈔 程鍾竹西詩稿淮雨叢談二卷續二

卷 裴蔭森裴光祿遺集八卷 阜甯籍 黃振墀棣華書屋

古文詩詞 殷自芳籌運篇松竹草堂遺稿淮南吟十卷

吳兆登持白復齋詩文稿 潘慰祖習慎齋詩文鈔

劉守曾存耕堂贖稿 顧雲臣抱拙齋集十卷詩餘一卷

畦園雜著四卷味蔬堂隨筆八卷 周龍田觀稼樓詩集

二卷 汪師儀梅花百詠 丁壽恆毛詩雅故漱經齋集

程席齡甲木盒詩稿集雅錄 胡駿珂來鷗軒詩稿

曹渠晚香室遺詩 丁禧生容安劄記四卷史記條辨二

卷箴言萃錄四卷容安詩草一卷 周龍藻麗章詩草

金雲硯北居詩清河籍 朱殿芬芸村所著 胡其楹吟香

集 李錫恩醉棠樓詩集 何其傑景袁齋存稿 王兆

楨舊梅花盒詩草一卷清河籍 魯蕢仲實類稿一卷仲實

詩存二卷 朱啟昆萍絮集吟草 韋鑑以約齋詩草

傅卓夢岩詩草 邵芝生南游草 王塏修竹草堂詩集

孫德寶流寓借綠軒詩集 徐嘉願亭林詩箋註十八卷

味靜齋詩存八卷又七卷周禮異字釋四卷夜存錄十六

卷拾藩錄四卷掬壤錄六卷遜庵叢筆五代史十國春秋

雜事詩日記十二卷 邱祿來依草書屋剩稿 邱心坦

歸來軒詩稿東征集 李鍾駿枕經書屋存稿 丁裕生

守真齋存稿 汪際雲名蕪館詩稿清河籍 周龍友荆樹

園詩文八卷 黃海長流寓借竹宦藏書題跋記 郝雲臺

蜀遊草 蔣清翊流寓王子安集注二十卷緯書興廢源流

考二卷治縣新譜八卷洪遵泉志集證十五卷選泉叢說

四卷投閒錄十卷陳孔璋集輯存一卷任彥昇集箋注六

卷 王全熙師竹齋詩存 秦勳退園存稿 王同庚養

拙齋類稿 朱占鼇雪窗雜感諸集 段朝徵怡怡軒詩

草 宋元坤史評二卷 鮑芑生半聾山人初稿 王文

杰籽傭初稿 何其誠漱芳居剩稿 王煦莖愛菊軒詩

草 許寶雲足園遺稿足園雜記 周龍泉棣萼堂詩

陳壽彭華平館吟餘 丁恩誥流寓夢松草堂詩稿 鮑潤

生子春編年存稿 潘蘭雋晚學齋剩稿 譚蔭熙一為

要齋文集 毛昌本花隱居叢稿 周鴻儀玲瓏山館吟

鈔 何其濬沁泉雜著 丁來福守柔齋賸稿 邱錫彤

樹萱館詩存 一王錫祺小方壺齋輿地叢鈔正續八十四

卷小方壺齋叢書小方壺齋詩存二卷清河籍 王炳奎怡

蔗軒詩雜著叢鈔 朱占科適適居士詩鈔滇遊紀略

姚希哲補拙軒聞見錄 楊嘉譽螻廬殘稿 郭栴江就

正甫草 邵洵芟舍詩鈔二卷 潘蘭實聽樵館賸稿

成館雙槐書屋遺稿 邱崧生輯邱氏家集文獻私記

潘蘭華鑄鐵室駢文鑄鐵室棄餘詩錄 胡炳紅豆山房

詩集十二卷毛昌本下脫流寓二字

原志藝文補遺

宋張大甯一作春秋通訓十六卷春秋五禮例宗十卷

元孫吳會煮石吟稿 明朱維藩諸史四卷 胡應思淮

南水利考 顧達補存道詩集 劉世光二金草據通志補

吳承恩補花草新編 尙嚴陵消日居閒言 劉一臨甲

申警戒錄 張鎮世一家言 王元齡然藜集據通志補 張

荃柱三蘇經濟文要 國朝潘董帷問渠詩稿 潘聲冠

晚香亭詩文集 周正紀永城濬河記 何源濬補越郡

政畧 黃宣泰裕素堂詩稿 倪啟運山陽舊事 李戴

禮四書會通 孫默留松閣詩十五家詞 李鎧補讀書

雜述十卷史斷玉河繼馬記 周惕補紹聞閣梅花集句

詩 靳宏遠夢庵偶草 邱邁山蘊詩抄 邱璋天桃詩

集 劉國相孝經疏義 潘建槐翼堂詩雜錄筆記 邱

御炳此山集 朱玉牧海堂詩集 邱綸水西吟 潘煜

剛峯詩稿 李嘉祿響寒草 潘建功楚坡詩集 楊開

文巢山居士詩集 杜律浣花草堂詩集 吳朝聘歲寒

軒集六卷 吳甯諤文集 劉培風灌園詩稿 邱重禧

鶴亭詩集 楊維覃考證叢錄 潘顧彪念庵存稿 馬

士榮水程求劍集 乾隆丙戌禮闈下第南歸倡和外五人  
爲金培陳根實邱洪陳樹毛晉奎題士

榮者年最長也 潘建輶省齋詩文草 潘建異字學辨真十一

卷 吳於惠鳴心集一卷淘沙集一卷景俞軒集一卷隅

山書屋全稿六卷 邱柱詠物詩 潘益恭南遊紀程退



谷雜著退民詩稿 陸立拙逸山房詩草 楊光曾九秋

唱和詞 與桃源薛慎同著 楊其祿金錢老人詩草 曹鈞 補南

遊筆記 王鴻言志集 潘兆贊周易經傳分解 汪寶

燈花百律 朱文齡芸綠堂詩鈔 潘兆登達岸詩集

王景灝亦梁詩草二卷 陳鳳翔梧齋詩草 楊維增專

始齋集 吳恆暹梅嶼存稿四卷學書待考四卷 吳恆

宣郁州山人集四卷雲臺山志十卷 賈雲炳竹廬集

王溥 補 王氏春秋說九經說史記合纂淮陰古蹟考詩古

文集洗冤錄節要 邱兢 補 春秋大事貫 吳之榕南林

詩鈔二卷 吳之棫澹村詩集二卷 吳之椿陋不軒集

四卷楞園詩畧二卷 孫雲龍軍中諭子書八十自敘文

阮葵生 補 風雅蒙求一卷 沈恤孺 補 孝經衍義大學

復初中庸述舊身心要錄書籍考證經史源流河道輯要

荒政叢說 楊日炯南遊草光麓小草 李蒸壽藤山房

詩 孫讀雲臺紀遊詩 楊嗣夔周易正詮 周台孫綠

滿山房吟稿 陳樹雨窗雜記三卷研泉食譜 程晉芳

流 周易知旨尙書今文釋義左傳翼疏禮記集釋勉行堂

文十卷戢園詩三十卷 吳景廉遺詩一卷 王紘昭度

遺詩 彭翰英願儔軒詩集 沃林秋心集 孫濬杏庵

醫餘一卷 朱觀光蘋湖詩草 楊光衡階平小草 劉

時曉漁詩草一卷 張雲詠素齋詩草 潘作朋史記論

畧 程景喬石城詩鈔二卷 張羣玉山遺稿教孝詩

沃仁客邸隨筆 李秉恭步雲書屋存稿 朱紘什一詩

存 閻鶴雲笛樓存稿 許超強恕編記動編分潤編從

儉編 張翥舊雨草堂詩文集 祝蟠易理研悅雲仙全

集 李程儒書畫閣詩鈔 丁兆祺學松齋詩文集 盧

和書法秘訣 邱煜握雲齋詩存 吳坦袁浦吟稿 戴

兆虹四書指南 陳廷銓春草軒詩集 楊蓮居鄉義略

程鎖莞然山房詩草 安東籍 范麟書鉢池山樵詩草

程益鴻雪憶存草 陳炳潛天塢詩文雜著 楊葆光玉

堂詩畧 屠文林 補 雕技錄 邱彤十一聲山房詩鈔一

卷 曹若端芸窗筆記知新錄 汪桂 補 栗庵考辨栗庵

經解彙鈔 沃朝陽紫藤軒詩存 吳毓珍秀才約語六

箴齋集 熊德慶沅花閣詩詞鈔一卷續一卷 王家銘

味腴齋詩存 孫銜鏡齋臚稿 蕭樓無盡意齋詩存

王省蘭崇影山房詩草 許汝衡素位堂詩存 邵建昌

淮安竹枝詞百首 陳長庚夢蘭吟 楊晉蕃澹園詩草

郝其燮南北史補表 王大雯鴻雪集 劉湘濠環翠

堂詩集酬世偶筆 周澍唾餘詩存 李長發無住吟

張涵貞梅塋詩草 孫瑞如貽穀堂集 王養赤訓蒙述

畧 張埤楚農詩草 周寅耳鳴山人剩稿

續纂山陽縣志卷十四

古蹟 古井 邱墓附

吾邑自句吳溝末口炎漢城射陽至晉義熙宋紹興間地  
值要衝名勝必多可紀乃元明以上靡得而詳前志紀述  
陳迹僅及 國初後此二百餘年不曾賡續又名流別業  
脫漏滋多茲重加蒐輯凡金石遺文園亭故址擇要甄錄  
欲窺全豹各有專書第既標古蹟限斷爲難補缺拾遺統  
爲一類其有訛謬別詳刊誤與各門同 御製詩文舊志  
弁首以擬本紀前志則謂 天文聖製久登冊府非下邑  
所得編次惟際茲鼎革 先朝御筆多翳榛蕪今弗鈔存

續纂山陽縣志 卷十四  
益將漸滅因變通原例恭錄以冠斯編之首云

聖祖仁皇帝

御書激引清風橫額 御臨米芾清秋賦 御臨董其昌

龍虎臺賦 以上康熙壬子碑  
在西門外御詩亭

御書唐人詩

結構池西廊疏理池東樹此意人不知欲為待月處 碑在三台

閣孫公  
祠壁間

御賜山陽縣知縣武柱國扇詩

逐徑探幽涉景奇攀蘿捫葛不知疲迴溪宛轉湍流激復

嶺透迤墮石危倚仗瘦筇騰絕壁憑依輕屨度嶽崎留將

薜荔除榛莽指引遊踪識路歧 碑在三台閣孫公祠  
壁間康熙乙酉二月

高宗純皇帝

御題釣魚臺詩 乾隆辛未

泝滌統人識俊雄偶然一飯濟塗窮叢祠不斷故鄉火凍

浦猶存沈釣風奚異三千六百軸 用李白歌太公事 輸他濟北穀

城翁淮陰生死由巾幗是始須知以是終 碑在漂母祠前

御製閱高堰工詩

皇考重河防神謨定廟堂帑金頒太府高堰衛維揚濟運

南輸北安流清滙黃申咨惟善守千載固苞桑

御製過淮安城詩

初來南國為觀民水郡臨隄策騎巡富矣閭閻藏不賈彬

哉士庶許還淳就瞻特弛千軍禁感頌還憐一念真共受

春溫抒愛戴豈辭膏澤及時頻

檣烏五兩順瞬息將百里郡城臨清淮蜿蜒聳堞雉土隄

與城齊一綫東流水切近俯閭閻意外虞難恃讓水勢不

能保障惟藉此費石費雖鉅為民無惜理爰以命河臣形

勢大端指歸舟相去聲設蘊稍慰勤民意來來司水土欽哉

聆後旨有孚我弗問匪懈汝其矢尚令堅比墉母俾穿於

螳

御賜山陽普濟堂誼敦任卹橫額 互見原志程鐘傳條下

御題過淮安城詩 乾隆丁丑

石隄駐舸策龍驤紆路觀風六里強入北門還出西郭漢  
淮陰是晉山陽羣情愛戴今猶切前歲饑寒刻豈忘無易  
由言元氣復轉旋額手爲民慶

御製閱淮安石隄詩

射陽古澤國諸水滙入海自從黃奪淮其危乃更倍南北  
咽喉扼城郭不可改初猶患黃灌閭閻無寧載皇祖排瀾  
之六巡勞權橈乃得清暢流何必安東委治河謝未能繩  
武厘實每辛未載經斯安又仰遺楛惟是隄埒城土自較  
石殆發帑命更築今來工早罷田廬資保固蒼赤庶樂愷  
永言議其詳癸酉事心駭

淮城西北舊皆土隄辛未南巡  
過淮命建石工癸酉河淮並漲

淮城頗得  
石隄之利

御題釣魚臺詩

下鄉寄食缺晨炊旦旦淮陰理釣絲漂母何曾期報重滕  
公幸得悅言奇挺身豈是過人量出胯寧殊進履時長笑  
泰山墩尙在萬家可置竟奚爲

御題漂母祠詩

乾隆壬午

寄食淮陰未遇時無端一飯獲崇施至今漂母猶歆報鐘  
室淒涼欲恨誰

御製過淮安城詩

分野瞻星紀聯城逮射陽始營猶憶晉重築更傳張濱運

接南北臨淮謹禦防觀民還按轡過郡亦登航愛戴羣情切安懷予意覆一人艱遍及慎選有司良

御製閱淮安石隄疊前韻詩

黃流昔南遷奪淮挾歸海於一已覺難況兩難更倍閘堰非不夥各以所見改因之水益高受病實多載皇祖厘民瘼濬距勞乘橈曰予瞠乎後庸詎悉源委雖然敢不寢所以南巡每修防戒更張鞏固奉模楷土隄易石工寓賑兼免殆丑歲已告成爲魚憂早罷今來益繁滋比戶歌安愷開封憶昨秋又爲豫人駭

御賜漕督楊錫紱詩

漕轉由來大政關得人久任謂卿閑四星儲蓄天容與千里北南歲往還革弊深應體民隱董掄兼欲恤丁艱奉公盡職誠斯在扈蹕儀文儘可刪

御題過淮安府詩 乾隆己酉

漂母祠邊暫據鞍射陽城裏徹鳴鑾竟成滅從還輕騎都爲民親與俗安縱喜市頭平米價那無簷底歎衣單孳生庶更謀生窘不見其熙祇見難

御製閱淮安石隄再疊前韻詩

河工於何艱艱惟巨徐海山陽處其中人烟庶更倍所恃惟一隄因命以石改雖非採本計粗安賴厯載皇祖有徽

猷功同禹乘槎動皆合天人舉必究源委藐子四南巡繩  
先志勤每日述實非作仍以遵神楷隄高將埒城詎曰安  
非殆淮黃苟暢消爲魚憂庶罷顧咨司河臣莫恃茲晏愷  
常慄一心畏俾免萬民駭

御製晚集淮陰

淮水籠烟夜色橫棲鴉不定樹頭鳴紅燈十里帆檣滿風  
送前舟奏樂聲

御製淮城曉霜聞雁

天際晨光水月連帶霜歸雁向前川孟城曉發寒仍在談  
笑春風雜紫烟

世宗憲皇帝

御製高堰石工告竣碑記

黃河爲運道民生所關而治河以導淮刷沙爲要高家堰  
者所以束全淮之水並力北趨以入河河得清淮則沙不  
積而流益暢故攷河道於東南以高堰爲淮黃之關鍵淮  
自中州挾汝潁渦汴諸水滙注於洪澤一湖蕩激滌洞浩  
渺無際而淮揚兩大郡居其下流惟恃堰隄以爲障禦所  
繫詎不重哉我 皇考聖祖仁皇帝爲億兆蒼生籌萬世  
永賴之計屢勤清蹕指示臣工方略昭垂神謀卓越全河  
形勢經畫周詳而高堰堤工尤厯睿慮迄今數十年來河



臣遵守成規列郡得安衽席者 皇考聖績神功之所賜也朕昭承鴻緒注念河防思高堰堤工綿遠保護維艱惟不惜多費帑金建石工使高厚堅固久遠可恃斯於運道民生實有裨益朕衷默定詢度僉同爰特發帑金庀材鳩役專命大臣董其事經始於雍正八年二月越雍正十年六月大工告竣仰藉神庥風濤恬靜薪石雲集工作易施增卑而高培薄而厚易圯而新孔固孔完其崇廣皆有加於舊凡六千三百四十餘丈延袤四十餘里所費帑金一百一萬餘兩於是高堰之工屹然爲淮揚巨障河臣上言大工之成不可無紀用俞所請摛文勒石以示朕宵旰疇咨之至意冀河流濟運示慶安瀾保障無虞民生樂業以無忝 皇考底定平成之績云爾

仁宗睿皇帝

御製憫忠詩三十韻

嘉慶己巳

君以民爲體宅中撫萬方分勞資守牧佐治賴賢良切念同胞與授時較歉康罹災逢水旱發帑布銀糧溝壑相連續饑寒半散亡昨秋汜淮泗異漲並清黃觸目憐昏墊含悲覽奏章痾瘵原在抱黎庶視如傷救濟蘇窮姓拯援及僻鄉國恩未周遍吏習益荒唐漁利卽昏智圖財豈顧殃濁流滋鹽瀆冤獄起山陽施賑忍吞賑義忘禍亦忘隨波

等瘳狗持正犯貪狼毒甚王伸漢哀哉李毓昌東萊初釋  
褐京邑始觀光筮仕臨江省察災莅縣莊欲為真傑士肯  
逐黷琴堂揭帖纔書就殺機已暗藏善緣菴遭苦孽惡僕  
逞凶鋌不慮干刑典惟知飽宦囊造謀始一令助逆繼三  
祥義魄沉杯茗旅魂繞屋梁棺尸雖暫掩袖血未能防骨  
黑心終赤誠求案盡詳孤忠天必鑒五賊罪難償瘴惡法  
應飭旌賢善表彰除殘警邪慝示準作臣綱爵錫億齡煥  
詩褒百代香何年降申甫輔弼協明揚

宣宗成皇帝

御製碑文賜協辦大學士禮部尙書汪廷珍道光七年七月

朕惟贊揚懋績允崇協揆之階啟沃宣勤聿著承華之範  
惟鹽梅軫夫碩彥斯綸綍沛乎新恩載賁榮名用貞珉石  
爾晉贈太子太師原任協辦大學士禮部尙書汪廷珍持  
躬端正積學淵深占雲瑞於臚傳得人為賀望星輝於驛  
使校士頻膺當夫禁籟初依荷先皇之特簡繼乃傳師總  
任識異數之尊崇考證古今匡劉覘其博雅討論晨夕賈  
董比其茂醕洎朕親政之初益見効忠之切標烏臺之整  
肅威凜峩冠樹粉署之清華榮生聽履會棘闈而裁藝兩  
主鑑衡掌芸館而培英迭司陶鑄乃擢襄閣務用資協理  
之功晉錫宮銜彌切奮庸之悃矢靖共於夙夜益懍小心

陳敷奏於殿廷務持大體昨者偶攫微疾予澣沐以優閒特遣御醫資參苓而調護方冀沈疴之特起何期遺疏之遽聞加襚服以飾終給帑金而助賻溯圭璋之品望道重師尊崇俎豆於賢良典昭祠祀命皇子而頒尊醑飭禮官以考彝章篤念耆臣深悵儀型之渺眷言後嗣俾先銓選之榮謚以文端昭其令聞於戲台星光隕長韜麟管之輝淮水風淒式煥螭碑之色欽茲嘉命紹乃休聲

御製祭文賜協辦大學士禮部尙書汪廷珍

朕惟凝承輔弼虎闈資啟沃之才台鼎樞衡鸞掖重贊襄之寄命秩宗而效職夙鑒寅清咨宅揆以分猷久嘉辰告

方老成之倚賴遽耆宿之凋零軫惜良殷苾芬式賁爾晉贈太子太師原任協辦大學士禮部尙書汪廷珍持躬端謹殖學淵通樹言規行矩之模擅茹古涵今之譽早登上第踐藝院之清華繼荷恩光直書帷於禁近屢司文枋恒矢公明總領胄筵益昭勤恪風憲整百僚之表月卿崇三禮之班凡所論思悉關體要宮銜寵錫閣務參知任許佐夫黃扉騎特榮於紫禁當七旬之永景賜荷駢蕃乃閱月之抱疴念深屢注職司暫攝假調理以兼旬醫藥頻頒遣慰存者再至冀克綏夫後祿何竟靳其遐齡爰晉宮銜載加襚服考賢良之懋典祀舉祠官畀後嗣以殊施銓先郎

署給精鏐於內府設雕俎於華筵於戲炳著謨猷瞻舊臣而緬懷篤棊寵宣綸綍沛新澤而聿薦馨香靈而有知尙其歆受

御製入祀賢良祠祭文賜協辦大學士禮部尙書汪廷珍朕惟師表百僚典禮緬寅清之範明禋二卣功宗崇享祀之文舊勲宜勒於鼎彝異數特隆夫俎豆載申綸綍展告几筵爾晉贈太子太師原任協辦大學士禮部尙書汪廷珍端正持躬淹通著望夙勵經生之學譽重無雙初呈太史之祥臚傳第二璧池造士玉尺量才美盡東南視學則三馳星使文衡燕浙得人則兩獻賢書國淵以蔬布表廉

曾司僕正李揆以圖史稱博游陟容臺凡荷先皇特達之知己迭膺夫聖眷迺昇師保匡襄之職實兼輔於朕躬總值三天倍惇五典益慎恭而罔懈惟啟沃之深資朕親政勅幾嘉其忱悃考言詢事倚若股肱爰超栢府之班再擢秩宗之掌臨橋門而思舊學寵錫宮銜勤書局以告成功優加世襲講筵獻納丹宸陳箴禁闥翺翔紫駟緩步列台階而式孚人望襄揆席而時亮天功植桃李於春官訓蓬瀛之吉士昨以染疴三伏給假四旬卽賜藥以冀痊並遣醫而就問正資秉軸遽告騎箕旣錫綖而贈銜復頒金而申奠易名典重聿彰行誼於方來延賞恩推更薦馨香於

勿替於戲詢黃髮而老成已往尙有典型鑒丹忱而賢哲  
如存肇稱禋祀昭茲休渥式克欽承

諭祭文賜原任廣東水師提督關天培

道光二十一年五月

制曰執干戈以衛社稷端資果毅之材聽鼓鼙而思將臣  
倍眷忠貞之彥惟臨難不渝乎大節斯飾終特沛乎殊恩  
爾原任廣東水師提督關天培早選戎行深嫻韜略始荷  
戈於淮水旋環甲於邗江洊歷參遊海表壯旌旗之色遞  
遷協鎮舟師揚組練之威聿播雄名允膺懋賞屬南粵分  
符之日值西夷肆逆之時隊領貔貅美宣威於遠服氣吞  
鯨鱷期伸討於重洋指海上以開帆身輕鋒鏑向軍中而  
奪稍勢撼波濤茂著戰功特加勇號方謂指揮既定迅掃  
狼烽不圖肘變旋生終傷馬革妖魔待翦遽驚大樹之傾  
毅魄先沈頓失長城之寄爰舉易名之典並隆賜卹之文  
於戲凝碧血於泉扃應歎未酬壯志表丹心於竹帛庶幾  
可慰忠魂薦此苾芬尙其歆受

御製碑文賜原任廣東水師提督關天培

道光二十二年

朕惟戎行勵節人臣報國之經册府銘勲朝宁酬庸之典  
偉業旣光於竹帛哀榮宜賁乎松楸爾原任廣東水師提  
督關天培淮海鍾英韜鈴儲智由武庠以擢秀襄營務以  
宣猷運糧而著有成勞考績而特邀優敘爰歷參遊之任

虎旅超騰迨躋總鎮之階龍光晉接荷上方之寵賚湛露  
 尤濃建大將之勲名雄風聿播乃分符於粵徼俾專督夫  
 水師鯨浪高掀仗一生之忠信狼弧遠指靖萬里之塵氛  
 冒鋒鏑以揚帆煙開洋面統舳艫以進隊星燦旄頭義勇  
 常昭奪稍耀兇鏊之色嘉名特錫宣綸申壁壘之威本來  
 履險如夷氣凌絕壑何意見危授命聲咽歸潮大樹蒼涼  
 緬蓋忱之似昔靈旗慘愴想毅魄之如生表厥生平諡之  
 忠節於戲丹心不泯素節常完志在成仁執干戈以為社  
 稷之衛功堪懋賞聽鼓鼙則思將帥之臣用勒貞珉永垂  
 令譽

南岡 邵家岡 青蓮岡 北岡 鶴墩 三里墩均在

治北鄉 南岡在大董莊西南東西長二里餘邵家岡在欽

盜古柵木甚夥青蓮岡一名東岡在北岡東里許地名土

城岡巔松三株遠近識之數百年物也鶴墩在橫溝寺東

其形如鶴首在西而北顧三里墩在大董 韓墩在鳳谷村

莊東北此外有小虎墩沙墩日就傾圮

北里許 光緒阜甯志墩可五畝接有小墩纍纍由縣境東

蹟居人掘獲瓦瓶質麤而三角故城在河北鎮 淮雨叢談

堅小口巨腹名曰韓瓶 三城護鹽

年開支家河接漣水建批驗引鹽所於此後又築城護鹽

今城已廢四門尚存余幼時猶及見南門東門兩城圍迨

道光壬寅癸卯間大脩郡城並建龍光閣當事命取廢城

之磚以助工於是南門東門亦蕩然無存邑人竇筠生附

註云道光癸巳余於河北見地有殘碑上有鎮南節度正

使完顏王石半缺鎮南節度副使李獻口奉昌聖明通正

神口勅旨領口千八百名建造淮楚河北三角塼城今造

成二門西章成門有基脚未成奉調云云末行明昌八年

續纂山陽縣志 卷之十四 古蹟

立案竇稱親見殘碑係金明昌年造叢談謂是明正德間所築雖本乾隆縣志見卷四鎮集恐未足據惟考明昌金章宗年號止六年當宋甯宗慶元元年次年即改元放生永安碑文八年八字當作六因漫漶誤認爲八也

池四一在西北隅龍興寺崇禎間淮安推官袁彭一在西

南隅天妃宮乾隆五十四年一西門外運河上起泰山殿

角樓圩門運河約五里許漕督毓奇立一在新城圓明寺白鶴觀中

咸豐辛酉立碑禁止捕魚張道士能前知李栖筠注官事見太平廣記興勝因院在

地紀勝云觀在山陽縣治之後有白鶴觀碑北軒宋山陽

開元寺內有曹元熙畫水一筆長一丈八無北軒宋山陽

復燕居講學之所徐積寄亭判吳郡朱公即其所居構爲

有文張耒秦觀皆有詩棟宇名之天慶觀張耒有游楚州天慶太平興國觀劉

日寄亭觀觀高道士琴棋詩太平興國觀劉

仙石 楊氏園張舜民柳行錄甲辰入運河艤舟洪澤開

天採訪使者廟規制宏敞連亘谿谷階無厨福水流周環

淙淙有聲階下有劉仙石扣之即開劉仙自此出入監宮

劉延式朝奉齊州人辟穀九年言人未來事甚驗辛亥同

辛大觀游楊氏園紫極宮皆山陽之勝是日見徐積先輩

栖鳳堂 華衮堂互見學古堂 紅樹山房並龔開保和

讀易齋元湯炳龍所居梁都宮隋煬帝東游築月榭在倅廳 楚觀在籌

邊堂西 攬轡亭在西門外舊西門在今楚望亭在治西

南五里 清淮亭在朝宗門外 多秀亭在芳菲亭側以上

自梁都宮以下並光緒府志引輿地紀勝

淮壩小記云志載古蹟搜采甚博而尙有未盡如漢書表有淮陰博成鎮後漢志有淮陰下鄉鎮萬花谷有八里莊東西塚齊東野語有楚臺二茅道堂夷堅志載山

續纂山陽縣志 卷十四 古蹟

陽有高師免屯莊郡南鶴河徐節孝集有淮陰泰山行

宮楚州慎郎中園清容堂郡國利病書有十字亭包家

圍灌溝新店陽羨港陳文莊等朱弁曲洧舊聞有城中

金子巷揮塵後錄有城東三聖廟及九里涇又張右史

有登楚州東園樓詩東坡有蔡景繁山陽西閣詩

西湖十園 石橋 鑼鼓墩舊在湖側 明吳承恩有西湖十園詞摹寫金張

與韋顧諸園之勝兼及金牛岡石橋鑼鼓墩 棟居在鉢池

山側 明胡從中隱居處繞屋種棟棟味苦 張九霞園 未詳所在

九霞名奕穎世才孫崇禎庚午 縮秀園在湖業 杜首昌築

舉人萬壽祺有張九霞園詩 愛蓮亭在治西北山子湖中

亭如如室天心水面亭今湖 業街南杜家大門是其舊址

歌畫舫游一各君子湖亦曰後湖在板廠街西 國初時笙

人尚稱山邱二湖又曰三城壩乾隆甲午河決二湖悉成

平陸亭為康熙五十二年權使党右禮建邑人邱兢有游

記見淮安藝文志河決後亭臺俱沒權使伊精一改為觀

音庵後假庵屋為文津書院嘉慶間權使李如枚別建書

院以亭中舊廨為課經 葦間書屋 蓮葉仙舟在城東北

之所額曰愛蓮書塾 梁陂橋南 邊維祺 菰蒲曲在河下西山子湖濱 水南山人

業中有來鶴軒晚翠山房 程尊江茂別業

林芳山館籍慎堂諸勝 晚甘園在河下 程尊江茂別業

菰莊有 荻莊在河下 程鏡齋鑒別業諸程俱安東籍世居

土山 山陽園在蕭湖中三面臨水亭榭極

多道光初齋務凋 勺湖草堂在城內西北隅 為阮學浩家

敝諸園俱圯廢 齋七錄齋春風亭瓣香書屋魯唄亭諸處學浩視學湖南

歸里闢敬義齋獎掖後進既沒門下士祀於勺湖書塾乾

隆間河決毀於水同治十三年邑人顧雲臣亦以編修簡

湖南學政光緒四年乞養歸重為脩葺餘詳建寘學校



蒹葭亭在漂母祠內

乾隆間淮安府李暉所修

淮郡三城園亭著名者靳璧星茶坡草堂在新城河北

張虞山古調堂 劉勃安昭華綠筠草堂並在駙馬

巷 陳階六鷄笑齋在南市橋 劉訥菴思園簣園中

有簣山在菜橋茶巷 閣再彭眷西堂金石皮嘉樹軒

在新城一蒲庵影閣鷓巢鶴墩飲牛草堂在平橋河西

張鞠存毅文百花廳在北門內依綠園雲起閣在蕭

湖 黃甫及蘭巖舫閣止園梅花嶺在蕭湖 徐山琢

華平園有容園嶺雲閣在郭家墩 邱曙戒南軒季貞

西軒玉蕊亭皆為桐園之一在西長街 倪天章一草

亭 張泗水漪園均在湖棠 黃翁谿梅花屋藕塘在

河下 馬西樵清弈軒不離草堂在龍興寺塔南 徐

動盈橫秋閣高卧堂白賁堂 樂六舞曇廬 姜木生

鳧園 邱旦庵東里山莊 張赤岸竹堂 許念中來

鳳軒南樓在八字橋 戴晦夫寤硯齋 戴闇士怡齋

均在西長街 楊彙征南村草堂在府學東 楊淇益

大椿樓 楊景西晴霞山房老樹軒皆在南門大街

沈厚肇移雲堂 崔西晚春水樓在湖棠 陳曾餘墨

莊瀟碧亭在駙馬巷 吳子通天笠齋海棠屏 陳謂

敬淇園 徐日馭北山草堂 劉萬資萬吹竹素園頌

酒草堂 陸密庵月湄其孫竹民素園皆在北門 周

白民清來室止止齋在雙刀劉巷 高思亭亦愛廬芍

圃在丁光橋 阮鶴緜冬青樓雙棗軒脩竹廊自吟亭

古香樓松石齋在新城 以上並見茶餘客話 又劉黼宸昌猷居易

堂 劉退庵工部愈怡園均在菜橋 程婁東淞漱石

軒在判廳巷 李蘇菴御史時謙耕嵐閣在大繩巷

李恂庵中書時震且園在小繩巷 徐古田賦西郊草

堂在古枚里 吳慎公甯諤梅花書屋在打銅巷 楊

尙書靖九獅園在楊天爵巷 程秋水刑部鑿且園在

亘字店東文字店西 相孝廉棟梅南堂在竹巷南

吳揖堂進帶柳園在蕭湖側 程濯亭太史沆情話堂

丁介庭廉訪兆祺引翼堂並在湖柴 楊香谷太常

皋蘭梧竹山房在相家灣 邱晴沚學博廣業卧雲居

在楊天爵巷 駱春池學博騰鳳亦適居在安樂里

陳皜齋炳潛天塢 黃葉村粲退一步軒均在竹巷

李穎升挺秀玉詵堂在湖柴 以上並見河下園亭記

重樞唐李邕書娑羅樹碑在府署 羅振玉淮陰金石僅存錄碑橫刻高一尺三寸

百三十八行行八字行書在府署原石久佚明淮安府陳

文燭得舊本於山陽吳承恩屬沐陽吳從道摹勒上石並

築寶翰堂以貯之石在府署摹拓不易故傳拓頗少清河

王琛好金石文字寓山陽曾購得娑羅樹碑原搨殘本如

獲拱壁特摹一副本俾人傳觀上有王問亭跋云此碑為

吾淮故物不知亡失何時世所傳者前明太守陳玉燭翻

刻耳余購求三十年始從某舊家得此前有邵二泉鑒賞圖書并國初諸名輩題識水後破壞其僅存者實而藏之俾後之人得見北海真面目也趙文敏行書似從此碑發源尾署如椿二字有印章

唐石柱在縣學儀門外淮壩小記高五尺八面寬五寸乃唐楚州刺史官屬題名殘缺過半可辨者七百餘字欸署河南房墨卿書上欸但存柱記二字序文九行但存待賓盡禮三監關繫繁夥歲授儀門等字官則楚州刺史楚州團練判官楚州營田判官楚州巡官計得三十四人自刺史至巡官皆分注除官日期及以某官來某官去起太和三年訖會昌三年餘見淮陰金石僅存錄

金天德大鐘在北門城樓詳邑人丁晏天德大鐘欸識淮陰金石僅存錄銘文十四行行二十十字正書陰刻鐘口有最響二字字畫清勁類禱薛皆扁濶今官府文書及告諭題銜尚如此據此知金代已有此式矣

宋楚州新建學銘在府學碑高七尺三寸廣四尺五寸正書淮陰金石僅存錄右碑宋景

文撰石下截已泐賴府縣兩志均載此文碑志互證始可成誦碑字茂嫩近虞永興宋王象之輿地紀勝曾列其目而近今金石家少知者亟為甄錄而表章之又聞郡庠尙有宋楚州興復學記王呈瑞撰廉訪數載尙未獲見附識其名以諗世之訪碑者

元加號孔子詔及碑陰在府學碑高六尺一寸廣三尺七寸正文淮陰金石僅存錄

右宣聖加封大成詔及碑陰記摩滅難讀碑陰尤甚惟題名尙多可辨

元孔廟銅尊壘在府學詳丁晏元鑄祭器錄及羅振玉淮陰金石僅存錄

元孔廟經籍祭器記在府學碑高九尺五寸廣四尺五寸二層上層記書籍祭器數目

凡四列下層書記文凡三十行行十八字正書額題經籍祭器之記六字篆書在府學宋楚州新建學記碑陰文見淮陰金石僅存錄羅氏云右碑記郡侯郭浩置經籍祭器事浩鑄器二百七十今尙有存者然不及十之一矣  
元淮安路開元寺開山怪石和尚塔銘碑高五尺二寸廣二尺二寸石後半

為人截去約尺許尚存十四行行三十七字正書額題怪石和尚塔五字篆書在府城開元寺淮陰金石僅存錄右碑摩泐難辨句讀和尚里貫名字已不可辨使碑題淮安路三字亦泐即時代亦不可考矣

明銅柱銘在府署 淮陰金石僅存錄柱凡高四丈餘圍三尺許鐵質範銅所為每柱皆有銘文嘉靖庚申七月建蓋鑄以鎮淮流者案銅柱外尚有鐵鑊

鐵牛在武家墩高澗壩高家堰 為康熙年間河臣張文端公所鑄鑄以五月五日命曰鎮水犀凡十六具分置之地不盡屬山陽背有銘曰惟金尅木蛟龍藏惟土制水龜蛇降鑄犀作鎮奠淮揚永除昏墊報吾皇

古井附

聖井 張耒柯山集有題楚州聖井詩  
崔家古井在新城西門大街崔官巷崔氏宗祠內 祠今僅存朝東

邱墓附 享堂三間左側為玉階鴻臚家故井今塞石欄尚在俗稱崔家大井欄上有崔家古井四字

翰林院編修楊開沅墓在范家湖  
邊壽民墓在石塘

協辦大學士謚文端汪廷珍墓在窯溝篆香樓西北 賜祭諭

禮部尚書李宗昉墓在治南十五里橋北 翁仲華表具備有梅曾亮撰碑

提督諡忠節關天培墓在城東三里塘水路口周家莊 賜祭葬 御碑 二道文見前

丁晏墓在石塘呂莊

江浦縣教諭徐登鰲墓在蔣南莊

蓬州知州高士魁墓翰林院待詔高延第墓並在馬廠墓田

九十七畝零經延第子承裕願以五十七畝零捐充家祠祭費以四十畝零墜墓在內抵充看塋人工食稟縣立案毋許典賣

漕運總督楊殿邦墓在張家橋

知府章儀林墓在南門外

提督諡勇烈陳振邦暨妻吳氏墓在南門外

知府張球墓在壽字鄉羅家橋時莊墓地為徐嘉所贈約四畝人多其義

廣西按察使秦煥墓在寶帶河崖陳家圩

編修湖南學政顧雲臣墓在東門外黃土橋

直隸總督諡文敬楊士驥墓在二洞南岸雨前莊

山東巡撫張汝梅墓在螞蟻甸東北雍莊

郭道士墓在聯城信今錄在雷神殿後朱仙墓左側道士名範康熙間由武科仕至守備中歲棄

官學道易名來澄字定水享年一百二十六歲城守營參將鄭敏為立石碣表之

郭貞女墓在治東南涇河南岸墓上有塔塔高丈七尺餘六角形順治乙酉年建其

下為貞女墓碣題紫竹庵道人塔碣銘略云悟道善人字步虛號化菩薩鹽城郭氏幼許字人笄年誓不適遂出家初庵於車橋鎮繼遷於涇溪南岸遂終焉清修苦行里人罕觀其貌生萬歷某年卒順治乙酉得年五十末書蜀髮僧前進士吳允謙敬題

邱墓補遺

陝西糧鹽道李時謙墓在七里塘

內閣學士李鎧墓在三里塘

吏科給事中阮應商墓在七里塘

徵士任瑗墓在七里塘施家祠堂東北湯莊

鳳陽訓導吳玉搢墓在七里塘唐莊

檢討阮學浩墓

編修阮學濬墓

刑部侍郎阮葵生墓

永定河同知阮芝生墓以上四墓俱在七里塘

續纂山陽縣志卷十五

雜記 兵戎 祥祲

雜記肇於曲臺後來撰志者多立此一門凡畸言脞說無類可歸者胥入焉亦猶史之外傳子之外篇所以網羅放失辨章潛隱漢志所謂小說家流亦采風者所不廢也是卷體例悉遵原志略加蒐采以資觀感或原志所佚掇其遺事以俟編補雖繁簡不同要皆期於紀實無乖義例而止至如交通傳教事實無多姑按年次彙入仍原志考時政體也

漢高帝六年封項伯為射陽侯 史記項羽本紀

續纂山陽縣志 卷十五 雜記

初學記載漢宮有韓信殿信既族矣何為用以名殿耶山陽

志遺按藝文類聚蕭何曹參韓信皆有殿又長樂宮有韓信射臺見三輔黃圖

步隲墓在吳縣東北三里有碑見存臨頓橋西南陸廣微吳地記

魏鄧艾圖吳屯田於白水塘郡國利病書引舊山陽縣志按閻徵君潛邱謂白水塘

舊名白水陂一日射陂

晉義熙二年諸葛長民由青山徙山陽南齊書州郡志

元嘉十九年山陽張休宗獲白鹿南兗州刺史王義宗來

獻宋書符瑞志

大明元年白麋見山陽內史程天祚以獻宋書符瑞志按原志職官及

雜記載程天祚作泰始二年山陽太守

隋大業元年以邗溝水道屈曲發民濬治自山陽至揚子

入江渠廣四十步潛邱劄記

長慶二年開棠梨涇唐書地理志

趙嘏編年詩一卷見新唐書藝文志意以為按年分編之

詩耳考佚存叢書有唐才子傳元辛文房撰趙傳末云今

有渭南集及編年詩二卷悉取十三代史事自始生至百

歲歲賦一首二首總得一百一十章今並行於世蓋即全

謝山年華錄之類世人知之者鮮矣又嘏卒時年四十餘

亦見此傳躡躡餘話

文苑英華錄鄭吉楚州修城南門記作於大中十四年末



云往歲有將作少監李陽冰善籀書尤工爲大字瑰碩多力郡邑省寺得其署題者榮而葆之大歷中客游楚因大署州門昔人措之於西偏至是公按謂刺史李旬易之於南門以表揭遠近陽冰字在當時已可寶貴如此不知毀於何時

山陽志遺

咸通九年秋七月桂州戍卒作亂推糧料判官龐勛爲主劫庫兵北還所過剽掠冬十月攻泗州不克十年正月辛

讜救泗州帥浙西軍至楚州敕使張存誠以舟助之見資治通鑑

周世宗取楚州踰時不下既克命屠其城宋太祖見一婦

人斷首道旁兒猶吮乳太祖惻然爲返命兵戎之慘可想

其地名因子巷今湮淮壩小記

宋太祖以索靖平京城功封山陽縣五等侯山陽志遺引宋書索靖傳

又云按宋時河內山陽久已不入版圖其以封靖當是吾郡山陽

宋祁修楚州學記割淮陰山陽苻場爲學田淮壩小記

元豐辛酉四年山陽大水太守李公孝博捍禦甚力節孝集

宋僧崇岳字圓明住淮陰之太甯寺逮與張耒諸父游年

七十餘耳目聰明精力強壯奉戒精苦禪誦不輟聞耒自

黃歸空所居相延日與之語或寂然相對終日耒爲作僧

堂記柯山集次韻君復七兄見贈云還丹欲問僕僕仙原

注謂陸先生一庵更伴騰騰睡原注謂圓明又喜七兄疾愈云南州隱士龍虎鼎原注陸先生平叔有道氣東寺比邱堅密身原注圓明師戒行無玷詩內屢以陸與圓明對舉意陸亦有道之士必淮人也又陸游入蜀記云清涼廣慧寺長老寶餘楚州人留食贈南唐後主撮襟書德慶堂榜揚州畫舫錄云淮安董道士壘九獅山藉藉人口此二人亦方外翹楚

併躡餘話

蔡繩為醴泉主簿有美行博學能文為世間人得飢疾每餓立須啖稍遲則頓仆雖遇貴官亦懷餅餌秦少游蔡夫人行狀夫人楚州山陽人父中正祕書省校書郎兄繩以

操行知名

夢溪筆談

某應舉時見帳後有一黃草新繩糾繞成一及字余曰此

乃佳兆蓋聞人謂登科及第也

張耒續明道雜志

張耒離楚夜泊高麗館寄楊克一甥云爾家外大父聽訟代其憂備飢朝煮飯驅蚊夜張幃獄成上府時稽顙呼張侯原注先子治獄卹囚最有恩事載墓刻按謂先生父也於克一為外大父蓋其治獄如此

併躡餘話

右史祖官閩父由三司檢法官出任吳江令吳正憲贈詩云全吳好風景之子去絃歌夜犬驚胥少秋鱸餉客多縣樓疑海蜃衙鼓答江鼉遙想晨鳧下長橋正綠波王中父

云乍被軒綏寵新辭計省繁三江吳故國百里漢郎官烟  
水蓴芽紫霜天橘柚丹優游民政外風月即清歡又嘗從  
趙周翰學易並見明道雜志而名未見惟據集中投知己  
書知其歿於熙甯四年耳又右史祭李深之文昔我先人  
剛介峭峙惟屯田君則實同年李深之墓銘父餘慶屯田  
郎中然則右史父亦進士第淮壩小記

右史送李端叔赴定州序某為兒童從先人於山陽學官  
始見端叔柯山集疑右史父嘗為山陽學官按以上三則可  
組為一傳曰父某云云系於耒傳幼穎異句上半人瑣記

右史於藝無所不窺山谷次韻文潛休沐不出詩牆東作

瘦馬注文潛善畫馬是善畫也董史皇宋書錄盤洲跋曾  
躬所藏草書云張右史文名滿天下而人不知其善書觀  
此墨妙真可藏之什襲是善書也直齋書錄解題張文潛  
醫書一卷三十二方號治風集中食蟹詩藥戒文龐安常  
傳皆根靈素東坡志林引右史論目疾不可治數語是善  
醫也焦氏筆乘有右史老子注答徐仲車詩我意與子殊  
欲去依禪子是通二氏也澹山雜識記右史喜飲酒能及  
斗呼酒器為蠅子水心亭是善飲也以上見淮壩小記按  
此亦未備柯山集有病臂已平獨挽弓無力戲作此詩是  
能射也

宋洪炎爲黃山谷甥著有西渡集刊入小萬卷樓叢書中  
有楚州阻水漲懷汪信民呂居仁二士四言云大江北理  
長淮西駛厥隩射陽城邑嶽峙鑿渠而漕首淮江尾舳艫  
岢峩連檣千里青雀翩翩彩虹嶷嶷梁跼舟躋限茲潢水  
昔我至止得二國士簞瓢相樂汪呂氏子于今幾年乖隔  
生死梗泛萍飄乃復於此菱花淨吐鷺羽徐起如欲我留  
眄睐以喜俯仰山川感念成毀一瞬千古寓非予恥 按  
汪信民名革一字伯更曾任楚州教授已見職官表據謝  
幼槃文集汪蓋歿於任所在徽宗大觀四年呂居仁名本  
中公著曾孫宋史有傳據此是徽宗時呂曾流寓山陽也

黃長睿字伯思邵武人嘗居京口爲鄱陽張氏婿張僑於

淮家有栖鳳華袞二堂伯思未就官以前往來鎮楚其居  
甥館約在政和閒好古文奇字精鑒賞據東觀餘論各碑  
跋尾或云於山陽栖鳳堂書或云於楚州華袞堂觀或云  
於山陽以張丈人家藏帖校然則伯思亦嘗寓淮栖鳳華  
袞堂尤可入古蹟也

併辭  
餘話

宣和二年方臘陷楚州

東都  
事略

陳瓘謫官安置山陽

府志又註王明清云宣和庚子蔡元  
長當國外祖曾空青守山陽時方臘

據二浙甚熾初元長怨陳瑩中以嘗上書詆文肅謫居彼  
欲令外祖甘心焉既至外祖極力照矚之適瑩中告病外  
祖即令醫者朝夕診視其疾之進退與所供藥餌申官已  
而不起亦令作佛事僧眾下至凶肆之徒悉入狀用印系

案僚吏以為何至是日數日後當知之已而朝廷遣淮南轉運使陸長民體究云盜賊大作未審陳瓘死虛實外祖即以案牘繳奏以聞人始服其先見

紹興三年沂州王倫劫掠楚州 淮壩小記引 歐陽文忠集

五年韓蘄王督兵淮楚領背嵬軍獵於郊道逢虎羣出下令打圍甲士環合各以神臂克敵弓射之凡斃三十餘其一最雄鷲目光如鏡毛茸皆紫色銳頭豐下爪距異常羽鏃不能入跳勃哮吼眾辟易大將呼延通奮怒馳馬出擊誓必死之伺其張口發大羽箭正中舌上虎雷吼山立宛轉而死命從騎四輩昇歸剝皮為鞍韉一軍壯其勇 夷堅志 福建通志一百二十七王洋字元渤山陽人宣和進士紹

興間以直徽猷閣知邵武軍民俗生子多不舉奏立舉子倉凡民婦孕五月即報丞註籍免其夫差役候當產給以錢米有袁氏夫死詣庭投牒丐他適見衰絰之下紅裳微露且無戚容械訊之乃毒死其夫者問如律按原志本傳云歷典三郡據淮壩小記知為廬陵鄱陽邵武鄱陽有與洪皓往還事邵武得此乃知志言所至有異政非虛語也葛萬宿預人徙楚州紹興辛巳 三十年 胡塵不靖率鄉人子弟立忠義軍自稱統領與魏勝不合往淮北久之南歸因獲反者蕭榮補閤門祇候充沿淮都巡檢卒於官妻子今猶居山陽之高師 夷堅志

乾道元年淮北紅巾賊踰淮劫掠知楚州胡明遣巡尉擊

殺其首蕭榮府志 按巡尉當是沿淮都巡檢葛萬以夷堅志載葛萬事證之正合事見上

三年楚州參軍李孟傳修復陳公塘有灌溉之利宋史李孟傳

于允升山陽人居郡南鶴河之側乾道五年從徐子寅為

屯田總轄官屯於二十里外畢溝東寨有惡子傳乙流落

淮浙屢許允升之過允升憾之九年傳詣屯莊修謁允升

待之厚飲以未熟之酒啖以半生之麪洞泄連日納諸松

棺俾致西寨三义口瘞之朱從龍都轄知其事未暇治舉

自是允升嘗見傳在前歡語如平日志所欲成必陰為啟

導允升私喜得鬼神之助明年春從龍坐事去允升恍惚

若有人告以嘉謀功名可立致遂糾徒侶渡淮攻宿預掠

臨淮王家金珠楚守畏邊隙遣劉光遠以閤門祇候說誘

之允升猶持疑夢中間人言云歸必大貴乃南還詔斬於

盱眙臨刑猶見傳守左右夷堅志

淳熙五年知楚州翟畋過淮生事奪官府志

聞人堯民伯封嘉興人也淳熙六年赴楚州錄曹母春秋

高不肯去鄉里屬其弟舜民侍養而獨之官經三月積俸

錢百千買券遣僕持歸遺母未行為盜竊去極以憂窘常

事北斗即炷香拜祝言母年老以貧逐祿僅得此金稍供

甘旨願指示其人使速敗於是發卒躡捕出城見一男子

持傘在著鞭亭亭在城南十里狀若張皇禽之果盜也縛送太守

翟叟無逸詰之曰方上路見一人隨後長身被髮稍前添

成七人當道遮攔不容行一步故坐而待禽械獄正罪夷堅志

志

十五年楚州雨自五月至六月清河口溢壞城百丈淮壩小記

引葉水心集

楚州方夫子佯狂若與人言則其人禍必至又知太守陳

敏乾道中以武鋒軍都統制兼知楚州故里被焚於數百里外夷堅志

石繼曾字興宗嘉定中官楚州司理參軍治獄詳明屬縣

尉一日獲盜十輩意且得醜賞同僚為言君雖恕然不可

縱盜公正色對曰盜誠不可縱罪亦不可入囚辭亦不可

不盡同僚退相謂曰尉賞不諧矣獄成真盜才五人餘破

械遣去部使者趙公思尤賢公一路有疑滯獄訟輒以委

公公治之無遺察雖受罰者皆稱其平山陽志遺

紹定元年監楚州大軍倉富起宗軍變死難府志

山陽舊屯軍八千雷世方乞止差鎮江一軍五千必大曰

山陽控扼清河口若今減而後增必致敵疑揚州武鋒一

軍本屯山陽者不若歲撥三千與鎮江五千同戍見宋史

周必大傳按宋兵志一乾道之末各州有都統司領兵楚

州武鋒軍一萬一千其後分屯列戍增損靡常至慶元初

沈作賓入對奏楚州武鋒一軍已招三千五百餘人朝廷

初欲減戍數年未就紀律願責之練習期以歲月見作賓

本傳緣南渡後楚為極邊與漣水並為衝要常駐大軍乾

道四年楚州置壯丁民社建炎後諸屯有淮陰前軍並見兵志

六真楚諸州又新招萬弩手見汪綱傳兵志於楚漣水臚舉各

屯有揀中騎射步軍奉化開遠六奇耀武壯武廣濟水運

裝發水軍車軍諸目謂皆建隆以來之制熙甯以後約略

相同此宋時山陽兵制之大較也半人瑣記

宋史循吏張綸傳除江淮制置發運副使時鹽課大虧乃

奏除通泰楚三州鹽戶宿負官助其器用鹽入優與之直

由是歲課增數十萬石又吳遵路傳為淮南轉運副使會

罷江淮發運使遂兼發運司事嘗於真楚泰州高郵軍置

斗門十九以蓄泄水利又廣屬郡常平倉儲蓄至二百萬

以待凶歲二人政績皆有功淮郡而原志失載

林興宗字景復以門蔭補廬陵尉調泉州節度推官先是

叛將李全既降益驕蹇其妻楊氏擁兵淮安戕暴官吏士

大夫視淮安如蛇鄉虎落無敢往者興宗遷淮安軍法曹

慨然請行至則改淮陰令未幾全復叛楊氏盡俘南官以

去興宗流落海州膠州青社十年餘朝夕肘縣印卧起賣

卜教小童自給瀕死者數至采梠拾橡充飢家人不知其



存亡寶祐原作嘉祐誤中趙葵為淮東制置使遣閒物色得之

興宗屢以帛書報北邊機事既而自拔以歸葵驗其印及

告身如故表乞旌擢詔授宣議郎通判海州改淮安軍後

移知韶州卒理宗朝同時陷賊有周子容主簿者後興宗來

歸由右選得朝奉郎見福建通志卷百八十按興宗已見

光緒府志補見前惟府志作淮安令通志作淮陰令小異

周子容府志作銘注云淳祐七年淮安縣主簿揣興宗任

淮安令亦必在淳祐七年故通志謂其同時陷賊也

楚州官妓王英英善筆札學顏魯公體蔡襄復教以筆法

晚年作大字甚佳梅聖俞贈詩云山陽女子大字書不學

常流事梳洗親傳筆法中郎孫妙作蠶頭魯公體見臨漢

隱居詩話又見董史皇宋書錄

莊緯雞肋編天下方俗各有所諱楚州人諱烏龜頭言郡

城象龜形常被攻而術者教以擊首而破也按此知靈龜

顧海之說實有所本併餘話

元元貞二年淮安胸山鹽城水府志

大德二年淮安管內蝗蟲為害有鶯數千啄食之中書省

奏准禁捕禿鶯山居新話

錢遵王讀書敏求記江文通集八卷元趙質翁領國子學

閱崇文館書得文通全集鈔寄蕭山舊宅夢筆寺此本乃

元僧弘濟所錄按志言箕翁授潮州路推官後為中大夫未及領國學一事豈即中大夫所兼之職耶

薩都刺泰定丁卯進士過淮陰詞短衣瘦馬望楚天空濶碧雲林

杪野水孤城斜日裏猶憶那回曾到古木鴉啼紙灰風起

飛入淮陰廟鵝牛醞酒英雄千古誰弔何處漂母荒墳清

明落日腸斷王孫草烏盡弓藏成底事百事不如歸好半

夜鐘聲五更雞唱南北行人老道旁楊柳青春又來了

雁門集

至正十六年十月鎮南王退駐淮安趙君用自泗州來寇城陷淮東廉訪使褚不華死之鎮南王被執不屈與妻子

皆赴水死 初不華與判官劉甲扞禦淮安甲守韓信城

相犄角甲有智勇與賊戰輒勝賊憚之號曰劉鐵頭不華

賴之總兵者易甲去韓信城陷 先是同僉淮南行樞密

院事董搏霄建議於朝曰淮安為南北襟喉江淮要衝其

地一失兩淮皆未易保援救淮安誠為亟務今日之計莫

若於黃河上下瀕海之地南自沭陽北抵沂莒贛榆諸州

縣布連珠營每三十里設一總砦就二十里中又設一小

砦使烽埃相望而巡邏往來遇賊則并力野戰無事則屯

種而食然後進有援退有守此善戰者常為不可勝以待

敵之可勝也又言瀕淮海之地人民屢經盜賊宜加存撫

權令軍人搬運其陸運之方每人行十步三十六人可行一里三百六十人可行十里三千六百人可行百里每人負米四斗以夾布囊盛之用印封識人不息肩米不著地排列成行日行五百回計路二十八里輕行十四里重行十四里日可運米二百石每運給米一升可供二萬人此百里一日運糧之術也又江淮多流移之人并安東海甯流陽贛榆等州縣俱廢其壯者已盡爲兵老幼無所依歸者宜立軍民防禦司擇軍官才堪牧守者使居其職而籍其民以屯故地練兵積穀且耕且戰內全山東完固之邦外捍淮海出沒之寇而後恢復可圖也時不能用淮安墮

於賊府志引各本傳

王逢朱家奴阮辭云淮陰三月花開枳使君死作殊方鬼眼看骨肉不敢收奉虜稱奴聽頤指又云今年始得聞道歸城郭良是人民非主家日給太倉粟殘生猶著使君衣又云回頭還語玉雪孤勿辭貧賤善保軀瞻屋未辨雌雄烏見梧溪集據此是阮乃義僕

周振山陽鐵工之子精於聚斂爲張士誠上卿二十七年徐達破蘇州幕客之誤國者皆駢誅振亦見獲告主者曰錢穀鹽鐵簿皆在我汝國欲富勿殺我主者曰亡國賊尙不知死罪耶斬之民大悅曰今日天開眼

府志

明洪武間劉誠意伯登淮城相度形勢惟慮洪澤潰溢因鑄鐵人高丈餘以右手指西南厭之開園志遺

永樂十年浚故沙河

府志引治河方略

舊志葉淇傳拜監察御史天順初坐同姓名累黜知武陟縣改清江寶坻皆有惠政成化初用薦超陞廣西按察司僉事撫定南丹土職督捕南甯荔浦諸賊遷陝西副使領岷州兵備又撫定松潘諸賊勦洮州賊擢河南按察使拜都察院左僉都御史巡撫山西值歲屢歉發廩賑粟全活者眾奏免各州縣秋糧數十萬石草百餘萬束調大同兼贊理軍務宏治初為戶部左右侍郎進尚書加太子少保

以下敘獻皇莊開銀礦廩哈密三事淇皆寢其奏云云略

明史洪附李敏傳原志全本明史一字不增減淇官廣西陝西山西三省皆有治績原志概未敘列不及舊志之詳廣西通志有淇傳亦歷敘撫南丹土官勦南甯荔浦賊與舊志合又云蓄水通粟以濟飢民撫山西亦嘗發廩賑粟敘已見前此官廣西時事為舊志所無宜參錄以補其缺

景泰三年淮安大飢上于樓橋上閱疏大驚曰奈何百姓飢死矣次日接淮撫王竑疏輒開倉賑濟上大言曰好都御史不然飢死吾百姓也王公此舉真有古大臣風景帝心乎為民亦有人君之度

山陽志遺 按明鑑作四年春三月

淮安前輩風範最可敬愛潘中丞墳

正德間進士

曰墳爲諸生

時將郡博吳先生命往見鄉先輩韋憲副斌先見其二子元昇季冕然後公出墳再拜致郡博之意公唯唯覆數語而入命二子延坐啜茶墳他日爲給事中歸謁顧太僕達時年七十六衣冠扶杖出墳再拜問起居公引之上坐墳遜避至再曰老先生有三可尊何不虛此坐以勸後進使知少長之序公瞿然以杖戳地曰老夫今日乃得聞此語坐吾不敢復讓翌日之清江見張河陰素晨往值公盟櫛待于次公出衣冠甚古南面墳拜公立受扶而起墳則再拜公嘖嘖有歎勉語頃之奚奴拂几案出設簞各二器酒

三行飯一盂禮甚簡及墳避喧湖西公時年八十七不遠三十里駕小舟過訪言笑竟日薄暮始歸暇日數遺以詩自署雙槐老素其風味意態爲近世所未有三公皆鄉先生杜門肥遯同一高致然韋公則嚴而正顧公則介而通張公則簡易而直皆可敬仰者也今日鄉黨中有如此風

範否

山陽志遺

傅公祠在文昌宮內有公象一軸其贊云商巖之卜肖象而求淮陰之去肖象而留世或不同道則相侔姓之弗殊人可匹儔黼冔之度袞舄之流天子是毘四國是邁肅瞻肖像仰止前脩儀型孔邇士頌民謳中興嘉靖允藉謨猷

門人沈益拜贊按公諱頤號少巖湖廣沔陽人嘉靖壬辰進士官總漕今政績無考乾隆甲子公裔孫鳴玉入都過淮拜遺像加以識語不知鳴玉何官今尚存祠中

史朝宜字直夫號方齋晉江人嘉靖癸丑進士知山陽縣山陽南畿劇邑漕督坐鎮其地諸監稅及使者弭節相望朝宜辦供億量價程物民不重困時倭寇徧浙山陽近海朝宜防守甚固邑田多荒賦額復廣朝宜借官帑遣糴江南湖北不以聞上官歲減賦數萬巡撫陳儒薦治行第一擢南京戶部主事終湖廣右布政使見福建通志二百之三原志只注嘉靖三十二年任此段宜補入庶不沒其宦績

隆慶間太守黃國華作士愛民淮人頗食其福性喜飲往往沈醉一日撫軍趙孔昭至淮國華往謁已醉矣踉蹌堂下口不能言撫軍素知其喜飲大怒揮之出將奏劾之次日府學生梁兆明長跪轅門撫軍招問其故因言知府善政多端雖飲實無妨於政撫軍愈怒曰豈一秀才輒敢保留知府耶兆明復從容言其宜民數事撫軍擲座上筆命之作文題為治道去其太甚兆明援筆立就撫軍歎賞曰看爾文字姑寬守罰兆明甫至家太守即踵門稱謝兆明閉門不相見嗣是亦絕不以一事相干

山陽志遺兆明原志有傳不及此詳

萬曆七年三月十八日申時大雷雨黃浦舊決口南岸平地穴深丈餘方廣二十八丈內遺骨甚多居民郭松屋後遺一物如馬首堅實如石揚州府同知韓相驗視舐之黏舌有郭三者得其脛骨並齒角等悉舁送郡總河都御史潘季馴巡撫侍郎江一麟聞于朝先是黃浦被決爲蛟龍所據遇陰雨卽聞聲如雞啼是月十二日決口塞遂以五日後蛻去太倉王世貞爲作蛻龍亭記

山陽志遺

郡國利病書范家口去新城北門外長淮大堤七里萬曆十三年五月十九日夜半淮水溢決口驟開二三里衝聯城東旱門注三城平地水深七尺堤內成湖長二十餘里

原載太畧又訛爲十四年事志遺作十二年與利病書同淮俗從來儉朴士大夫夏一葛冬一裘徒步而行自金公銑官廣信郡守歸其體豐碩不能徒行始用兩人肩輿後皆效之風不古矣萬曆閒司徒邱震岡先生復砥柱之一藍紬衣終年不易其拜謁當事命一老僕將帶盒套于項冠帽則用巾箱籠之與秀才儒巾無異至拜柬同輩則用眷生前輩則晚生同鄉則用鄉侍生同年則用年生近則通乘四轎夏則輕紗爲帷冬則細絨作幔一轎之費半中人之產寒士初登科第何從辦此不論親疏貴賤一概眷社盟弟今因有禁則眷弟矣此馮仲雨先生閒園志遺所

言百餘年前事也今則奢侈之習不在薦紳而在商賈耕  
讀之家日益窮困有鄉先生出門不能得一僕者視明季

又大異矣

山陽志遺

丁如皋字廷欽萬厯戊午舉人由德興令升淮安通判以  
興利除害為務淮民謠曰片紙不到堂一錢不入囊見處

州志據此是丁亦吾郡名宦當補入名下

卷五職官一  
第二十九葉

崇禎二年三月舊城北門每夜聞婦人聲云有錢莫蓋屋

有米莫煮粥謹防三月二十六繼以哭泣如是旬餘審視

則無人至期亦無所驗

山陽志遺

十七年正月朔大風霾街市中對面不相見占曰風從乾

起主國有大兵

山陽志遺

三月山東總兵劉澤清至淮安東守將邱磊截其家口輜

重數日得還

府志引  
青燐屑

十月殺邱磊澤清報怨也

府志

毛西河集稱淮人嫁娶用大禹辛壬癸甲四日作四日吟

云只盼辛癸至圖作千年歡何悟別離此只在四日間此

國朝初時有此俗今則無之也

茶餘客話

吳安邦貌古性朴與張應錫善相遇必飲酒言志迭為賓

主歡呼竟日七十餘卒沛閣古古序其七十日三十年為

孝子十年為嚴父二十年為田間老人過此為人瑞合生

平為酒星可為實錄矣

天啟府志



國朝順治四年淮安土賊張華山攻據廟灣東華錄按廟灣鎮在縣

治東北境雍正十年始入阜甯

徐秉衡字君平歙人家於吳性至孝慷慨有大志好義任

俠隱居不仕少秉朗鑒論秦漢以來道學淵源以及工器

弄物靡不有條貫為當時典刑辛巳以後按為崇禎十四年嘗往

來淮陰居新城之東門與萬壽祺善壽祺為沙門於普應

寺寺在浦西去君平家三十五里丙戌丁亥之間按為順治三四

兩君平嘗策杖過衡門斜日沈巷輒痛飲酒盡繼之以痛

哭節錄萬壽祺贈徐高士書冊

淮安向無試院勝國時多就試泰州故明末國初淮人詩

集中多有游海陵光孝寺登岳王土山詩至順治初始就

中察院改為考棚何由就試泰州淮揚兩志亦無可考

康熙己酉八年蕭山進士邵士令山陽蔡殿撰啟傳計偕過

淮以鄉人往拜邵批其刺曰查明回報蔡怒大詈而去邵

令亦不之理明年蔡及第以扇寄詩與邵曰去年風雪上

長安驛路誰憐范叔寒寄語山陽賢令尹查明須向榜頭

看構隙甚深後劉評事始恢為解紛其釁乃釋茶餘客話按原志

職官邵士作邵士誤

康熙二十年辛酉五月廿七日淮安大雨五晝夜河決數

處犯郡城渰死人畜無數知府曹君按名嗣爵取府大堂鎮淮

扁投之河水稍退

三岡識畧

二十三年十月

皇上南巡

二十八年

皇上南巡閱視南河

三十八年

皇上南巡三月壬申駐蹕

三十九年七月六日夜三更後洪澤湖大風雨雷電發屋拔木是時督高堰工大臣如少宰王顓庵揆司農田蒙齋雯王公垂紳及江南督撫諸公皆避匿岸下土穴中質明見十二龍鬪色皆青鱗鬣畢現至七夕入夜始罷阮亭居易錄詳紀之

茶餘客話

四十二年

皇上南巡至淮安山陽原任布政司參政

劉謙吉於淮上迎鑾年八十一矣

上書雪作鬚眉四字

賜之謙吉摹勒於石因自號雪作老人今橫額嵌東門小

校場地藏庵屋壁

躡躑餘話之餘

四十四年

皇上南巡三月癸卯駐蹕四月回鑾幸高

加堰閱河隄

四十六年

皇上南巡二月丁未駐蹕

毛西河集有楊氏澹園雅集聯句詩小引云客淮者與淮之君子臘月游澹園亭臺雅勝友朋融好遂共聯長律以紀云云作者九人大可外為黃世貴刻知戴金龍質童衍蕃徵張祜煒雲子蔡爾趾子構施有光爾賓周麟喬嶽劉

漢中勃安每人五言二韻乾隆志載之原志削去以大可

之博雅而諸子能與之游處觴咏文采輝映已見一斑不

可令其湮沒按八人中名最高者為張毅文太史初名炳

鴻烈次則劉蔡周俱官司訓施官涇州至童戴黃三君後生

幾不能舉其姓氏只此詩斷句存大可集中大可別有別

戴大金黃大世貴詩太史公謂非附青雲之士烏能施於

後世信然澹園在大溝巷本周天飛提學別業鬻於楊後

歸丁氏道咸間尚可游覽今鞠為茂草久矣併聯餘話

袁子蕃茂才昌齡家有雍正七年己酉十一月十二日山陽

縣蔡按縣志名璠給發繳銅執照中云欽奉諭旨禁用一切黃

銅器具令其交官領價遵照部秤部價分別生熟秤明觔

重給發計銅三十六斤領足價銀三兩七錢五分九釐八

毫五忽五微考東華錄雍正四年因錢價昂貴除三品以

上官員准用銅器餘人定限三年將所有報官給價違者

治罪蓋卽此時事今之見此紙者鮮矣

汪銓江甯人雍正間漕標千總漕帥長白顧琮奇其才試

以事皆辦淮安運丁輪養軍犯犯凶暴運丁苦之銓議歸

驛當差患得息同治上江縣志者舊

靳文襄輔治南河創議開車邏十字河奇計聳聽其詞甚

辯廷議亦不能駁 敕下督撫河漕諸臣會議時督臣董

默菴訥撫臣爲田山薑雲皆山東人漕臣則慕天顏悉知其不便而靳公之勢方張諸公懾其氣燄河道利害難片言而折各有憂色有山陽鄒公子者豪華喜結納公卿其先人桐崖先生曾提學齊魯與田公有舊聞其至淮拏舟迎之家人見官舫至投刺延入則董公也公子大窘跼蹐不安遂以實告董詢其家世喜曰吾固辱桐崖先生相知卽舟中命酒相款情文殊洽公子心稍定漸露豪氣談論風生因及開河事公子習聞人言亦稱此舉不便于民董公欲得不便實狀公子不能答請退而質之鄉先生旣歸袖白金三百詣徐上舍北山北山固才士而以刀筆稱公

子授金具述制府意北山尋思良久曰是易易耳然終不言公子起立解所佩玉帶擲案曰事急矣請以是物潤筆卽子夜屬稿北山笑曰是奚煩吾筆墨爲吾聞開河之說起道路沟沟數月以來赴河臣呈詞告不便者七千餘人公子誠能得人至其幕下攫其摘由號簿殃民百狀一一具在簿有河臣篆記非可狡卸不便之大莫詳於此奚煩屬稿公子卽遣黠奴通幕友家僮陰竊印簿至攜致董公公一見大笑曰是不須口舌爭矣次日會議郡庠尊經閣下見演劇鳴鳳記二伶唱至烈烈轟轟做一場董公拍案大笑點首自唱烈烈轟轟做一場四座瞪目愕眙將弁行

酒者相視失色宴罷屬官持疏稿請畫押靳公左右指唱  
口若懸河漕撫諸臣無以難之董公徐置疏搖首曰紙上  
空談奈于民大不便吾不忍欺吾君出袖中號簿擲向靳  
公曰是千餘人呼號痛哭之聲胡不並入疏稿耶靳公取  
閱色變不能發一語急登輿回署而車邏十字河之議始  
息茶餘客話 按當時並令淮揚京官公議具奏  
列名者凡十一人奏畧已見山陽藝文志卷四  
汪文端公爲阮先生修凝齋集序云先是吾淮劉紫涵與  
方侍郎友善善爲古文按紫涵名永禎原志增祖昌言傳  
文端稱其善爲古文當必確有所見而今無一字之存可  
惜也

許謹齋給諫 名志進康熙 好聚古器得漢瓦壺色比今饒  
辛未進士

甕稍青欵識云綏和元年湯官王昌鍊黃塗壺容若干斤  
重亦如之主守護掾云凡三十五字字不盡可辨蓋漢孝  
成時物也

城東楊氏住水巷口康熙末年因治屋掘地得一小石碑

長尺餘有字云口口宮旁一行云臣程知節奉勅監造字

畫類顏柳見茶餘  
客話

雍正四年夏四月王澍過淮訪邊頤公留飲酒既酣掉小  
舟出珠湖仰見天際白雲如竹可數十百竿枝葉根柯皆  
具下有微雲數片狀若怪石隱現斷續良久不變儼然畫

圖停船玩視不忍舍去坐客沈鳳字凡民善畫工篆刻為刻竹雲小

印越二年鳳過澍九龍山齋復作竹雲圖澍題跋於後王澍

虛舟題跋

乾隆十七年壬申 皇太后萬壽恩科春鄉秋會山陽王

溥兩登春秋榜肆雅錄名下注云壬申連中亦此書之創

例也他書多注壬申甲戌誤踈躐餘話

任瑗服膺朱子鄉里稱為鉅儒初從鄒增遊入都既聞李

鎧顧諟緒論及侍父宗延官閩聘魯顛與偕四人皆理學

巨子也以瑗之學得於師友者居多而實宗延有以導

之考福建通志壇廟志道南祠在城北龍山巔祀楊時以

羅從彥李侗配康熙五十七年督學李鍾堯知府任宗延

捐建朱子祠在道南祠左康熙五十七年督學李鍾堯知

府任宗延捐建又道南書院在府治東康熙五十八年督

學李鍾堯知府任宗延改建紫芝嶺上即府學文昌閣舊

址二年之間崇祠講院銳意興復可見於程朱之學極力

表章楊開沅亦有書與之求彙刻朱子全書見景姚山房全集其

邃於宋學可知福建通志既不為立傳而山陽志只舉其

仕蹟及歸田後整頓公事無一語及其學術何也任瑗六有軒集

有代父作道南書院記

平橋巨富林氏有林百萬之名乾隆壬午二十七年南巡回鑾

過平橋富民林秉直字紫垣備行宮供張華麗 純廟駐蹕於其中賦詩有夕泊平河渡夜宴商家林之句隨賞秉直道銜換三品頂戴並賜福字及懋乃嘉猷額子大本字立齋官雲南大理府升鹽運使以解鉛銅賠累鬻田以償家由是中落順治壬辰進士林文儁卽其宗人文儁字汝杰吏部主事未補缺沒於都

吳觀光字揚祖康熙癸巳舉人嘗署廣東和平縣有德政勒石署門乾隆丙子清河王永熙攝和平篆親見之見志遺附記

張毅文太史鴻烈初名勗煒字雲子淮人集中多與張大

雲子酬唱之作江蘇詩徵毅文外別選雲子詩一首只云

山陽人而不詳其家世丁氏山陽詩徵范氏淮壖小記因之實則毅文雲子卽是一人蔣楛天涯詩鈔有贈張雲子今字毅文臘月十四日生日詩張養重曲江樓詩選序毅文別字雲子方弱冠云云蓋雲子從勗字生情毅文與烈字關合世人不加考察遂判毅文雲子爲二疏矣

半人瑣記

木刻聖蹟圖二十八版前有額後有藺友芳跋中爲三十六圖自始生至升遐每幅詳記事實向皮縣學尊經閣據藺跋青浦城北有孔子衣冠墓墓側有廟壁嵌此圖四明張楷所鑄其孫九德來守雲閒重勒嵌壁康熙中友芳知

青浦縣復屬陳尹字莘野青浦人善畫人物重鑄三載始成友芳一字

佩香宛平人何由攜至淮上皮置縣庠俾與金石等壽其詳不可得聞已今尙藏閣中

張超字雄飛號澹人雍正癸卯武舉乾隆縣志修成緙於

貲未梓超捐八百金藏其事又嘗創建張公祠祀宋死事

臣張孝忠畀其後人世守之超與父文祥均好施原志已附見李超玠傳內此二事未

書不能改列姑系於此

書院山長一席自大府徇請託洩此者或人望未孚賢士

以慕羶為恥故李晴珊名道南江都進士之去也肄業生楊登高

陳師濂汪廷珍同日辭內課出院俞念齋名開甲烏程進士之去

也阮鍾瑛棄內課出院後陽湖管公觀風廣搜知名士聞

山長為某孝廉士論大駭潘宗睿阮鍾瑛屠璜同日棄內

課去此皆麗正書院佳話信今錄

禹懷珠性嚴正客授自給衣冠偉異阮鍾瑛修凝齋集喜

禹旭亭見過云大杖高於頂身長面削瓜入門無別語貧

病近交加只二十字乃使老輩鬚眉畢現

乾嘉間車橋鎮居民卜萬樓以屯積糞土為業里有無賴

樊氏子嘗寅夜竊糞於卜氏萬樓素健壯偵之無賴至突

起擊以木杖中要害死樊氏訟諸官其弟萬鍾甫成童謂

母曰兒幼弱不足以苦力養母今兄不幸斃人命設議抵



母將奈何兒請代之兄猶可贍吾母也竟赴官冒認以誤  
斃人命論罪謫戍遼陽之長安縣萬鍾聘妻魯氏年十四  
其母欲令改適女曰已字卞氏矣願與俱戍乃偕赴遼陽  
後十年歸理舊業以壽終

道光間耳鳴山人周寅以書雄於時咸豐初江南兵燹溘  
包慎伯世臣流轉至淮以其用筆之法號召後進淮人士  
翕然從之謂之包體吳璜

後易丙燿

楊步洲皆受業於門吳世

居岔河鎮家素封包沒後爲重刊藝舟雙楫六卷較釋碧  
溪所刊者多至倍蓰然亦微有刪薙未有邵生碣文張尙  
平傳邵生名式穀字子良張名秉衡俱山陽人從包學書

而皆蚤死後惟潘慰祖規摹北碑有時名慰祖字漢泉諸  
生互見人物

道光甲申冬洪澤湖決南昌萬廉山太守承紀於高堰泥  
淤中得五銖泉范一枚長六寸餘濶二寸厚四分兩柱中  
分其柄則相合錢樣十有二枚左右各六有五銖字皆凹  
且反文有面無幕銅質精好叩之琅然疑此止半耳鎮洋  
盛學師大士欲之以宋槧尙書相易萬不許萬沒此物隨  
歸裝去今拓本載盛所撰泉史中

汪文端公長孫承佑

佚其字

道光甲申

四年

以館書告成特賞

舉人用主事分部行走充軍機章京人頗有才因占對頻

數近於攬權為時相所斥鬱鬱成疾遂以不起年方二十

餘 併躡餘話之餘

陽湖李大令兆洛女弟適路同戊工刺繡曾手繡觀音像

暨大悲咒册祝阿兄五十初度時嘉慶戊寅 二十三年後有大

令跋不知何以輾轉傳入江陰縣文川署中道光乙巳 二十二年

五年文調署山陽甫七日病卒其家遂施送海會菴供奉今

尚藏菴中 同上

趙康州墓在治東三里塘原志據舊志云今不可識按邑

人秦友白聽湖書舍詩草出東門吟云攜手出東門落日

西山暮纍纍冢萬餘荆棘塞道路回望空徘徊涼風吹古

樹沿河曲折流上有華表豎松柏已成圍闐然令人懼翁

仲悄無言伊唔走狐兔不知誰家墳歎息空却步忽覩斷

碑存剝蝕將欲仆手摹苔蘚文猜詳分字句爵里與姓名

一一讀未誤有宋至中年趙公潛叔墓當年刺康州儂賊

東方渡殘兵三百人孤城難負固罵賊盡孤忠殺身畧不

顧讀罷我公碑令我中心慕起拜不能言恍與我公晤回

首晚烟浮應有神呵護友白道光中諸生據此詩知趙墓

見在今去道光時不百年似尚不至平毀安得有好事慕

古之君子為訪求而封樹之 併躡餘話之餘

道光二十八年夏運河水漲東岸五壩齊開東南鄉大水

九月揚河廳汎地七顆柳地方隄決旋塞

見景袁齋筆記又云志載運河

決清水潭東

鄉大水誤

咸豐初年法國設天主教堂於小高皮巷

二年春旱涇溪澗市諸河皆涸

見漱六齋集借水記

夏五月十二日薄暮大風挾紅光起自西南湖濱向東北

行雷電交作兩雹大如雞卵小如彈丸涇河平橋馬涵洞

于家灣羊腸集三官殿車家河涇口皆當風之衝毀屋壓

人甚多溪河一船泊隄下被風吹落二里外秧田中篷梳

篙櫓無損估客榜人仍團聚如故河沿上牛車篷吹置六

樹頭如長人戴笠狀

漱六齋集風變記

七年春大饑

同治元年正月皖捻李成

李大喜義子

糾眾東下二月六日度

鹽河犯清江浦山陽戒嚴城門盡閉板閘居人盡逃十一

日賊馬分竄東坎二十三日犯車橋龔鎮軍耀倫王副將

萬清袁副將師功陳遊戎國瑞率兵至國瑞出戰大捷次

日賊繞涇口關復犯車橋國瑞整隊前耀倫力沮之而賊

遂大逞先是耀倫等至車橋縱兵大掠居人避之一市為

空怨兵同於怨賊也至是德國瑞而怨耀倫次骨賊再竄

東坎東坎練兵迎擊之折回車橋以下之潘家社居民投

水死者甚眾二十六日國瑞連破賊壘賊北竄二月初八

日賊闌入成子河至湖灘初九日竄順清河清江浦集兵民守圍圍南火光連綿二十里入山陽境初十日賊掠汶河山陽溝直抵楊家廟焚殺不可勝計十一日賊竄平橋沿西岸行南窺寶應東岸鄉團發烏槍斃賊魁二國瑞督兵至截殺百餘人生擒五人十二日十三日連勝賊於平橋殺賊數千十五日賊困於寶應湖傷亡幾半由泥淖中竄回武家墩國瑞追擊之賊退出成子河是役也國瑞敗賊於湖塢而於隄頭扼其歸路漕督吳棠飭耀倫紮營運河東岸防賊東渡耀倫至欲決河以灌之有止之者曰長河斷流則賊處處可渡是君濟賊也乃止居一日徧搜居民得雞鴨羊豕還郡時有不大長毛打扁毛之謠吳公聞其退也怒復飭使去適國瑞大捷賊棄牛馬徧河岸耀倫麾軍攬之急走歸浦冒國瑞功以勝報

見漱六山房札記按是年清河吳

部郎昆田躬與團練之役禦賊於錢家集故所記特詳節錄之以補原志所未及

二年夏五月淮安新城掘得銅方印篆文移相哥大王印

六字皆鑄蒙古書不可識可識者之寶二字考元史宗室表有移相哥大王係烈祖之裔孫也

頤志齋叢書

六年夏六月大疫

十二年螟災田禾白莠自此稍旱即有之

十三年五月雨至十月大水薦饑

府志

道州何子貞紹基於厥肆得古文尙書疏證五卷寫本後有潛邱自跋云五十三歲屬閩中謝君畫禮堂寫定及傳與其人二圖秀眉明目觀者咸以為康成不知實以余像代之

東洲草堂集

今射陽濱湖九里一千墩有高阜名交嶺土人每掘出瓦餅大小不一形色亦不同質粗而堅色暗而古皆大腹小口或云韓侯木罌瓶然其狀雖合而侯用兵遠在夏陽不在此地考宋史岳飛傳言徽宗詔同張俊住楚州總韓世忠軍至楚州俊欲與岳分韓背鬼軍云云是此餅乃韓蕲王在楚州軍中所背之鬼故稱韓餅耳梅駙馬殷曾駐兵

小河口其地嘗掘出瓦餅稱梅駙馬餅亦是軍持之類淮壩

小記

光緒二年妖人剪紙為人剪人髮始於鄉鎮久而城市亦有之謠言日起浦上獲數人立置諸法謔亦止夏大旱蝗

府志按清河縣志光緒二年傳言九龍山妖僧剪紙為人能入人家斷辮髮或割童子勢若婦人乳者初由江以南蔓延而北夏六月天大旱秋禾焦枯清江浦訛言四起城鄉居民一夕數驚皆云辮髮落者期百日死又有紙作虎若螻狀百態怖擾能與人健鬪或誤擊取視之人長五六寸許螻虎皆大如斗則為紙如故已而他紙人復來城中亡辮髮者日數人鄉堡亦然乃帖符咒繪怪物以厭勝之厭勝至遍闔市矣弗能禁也漕督文彬公嚴命踪跡剪紙者得數人皆邑中貧丐無賴為之者問以故曰九龍山人使我為此以錢購我不知其他遂寘諸法妖人稍稍斂迹矣此記較詳附識之

九年三月山東齋匪王古佛名養浩煽亂擾海流安桃等處

清河山陽均震動居民有遷徙者官兵嚴捕獲其子誅之

古佛遁

是年法人陷雞籠邊海戒嚴漕督楊昌濬調駐山陽營兵

五百人出防黃河灘以副將王顯發統之名精兵營

十年漕督譚鈞培撥銀二千兩重砌文渠溝牆詳水利牆面

需用蓋石或言河北程公橋東約半里許有地名枚河係

古黃河隄已無河形中多廢石飭工挖深五尺許近南一

面果見石牆創起不少昇之入城亦甚濟用旋以河下人

出阻而止枚河揣因枚皋得名較近人所題枚里古雅多

矣

十三年秋八月河南鄭州黃河決下游千百里地人心惶

恐邑之富室多有艤舟以待者次年春三月傳言鄭州水

將至四城積土備患四月謠始息

十五年三四月間西南鄉每夕見燈火千百聚散無定居

民驚疑銃擊不懼就視則無擾攘月餘乃已

十六年鎮江商人某設局西門外通行運河輪船板閘河

下二堡平橋涇河黃浦設分局

十七年夏四月旱漕督松椿派員赴直隸省邯鄲縣呂祖

廟龍井請明成化年祈雨鐵牌馳驛返果得雨以播種愆

期秋歉收

十八年夏旱蝗

鹽河北老人杜春華光緒十九年年百歲子永興年六十  
二孫一曾孫數人家不豐子孫能養志日以百錢供老人  
入市之需里人稟漕督松椿獎以額曰仙洞同春外贈朱  
提十金袍料一事是年秋病沒

二十一年春江督張之洞以日本兵艦遊弋海州口外飭  
近海各州縣整頓團練太守張球邑令程鑫就二郎廟招  
集團勇二百人以通判姚紀衡領之

夏六月癘螺痧時疫盛行

二十二年徐海十八團大刀會匪作亂漕督松椿調山陽  
營兵助剿平之

是年南鄉高馬橋匪僧眼歡與崔河匪首朱大柏結合擄  
人勒贖稍斬不與則死之報命案者踵相接漕督松椿飭  
營縣嚴緝城守營參將歐陽成松偵知大柏巢穴率兵往  
擒之送清江浦正法餘黨潰散

二十三年夏淫雨傷稼

二十四年三月朔大雨雹

二十五年二月風霾五日 九月郵傳部設郵政局於都

土地祠西

二十六年夏四月京都義和團事起 兩宮出狩西安  
召勤王軍李秉衡率師由長江入運河水陸兼進紀律不  
嚴沿途騷擾城鄉莠民乘間思逞五月二十七日縣署前  
有義和團布告人心益恐太守許寶書邑令李明垣就海  
會庵設團練局四門設分局招勇五百名以都司周遐年  
管帶之餉紕勸紳富捐貲協助漕督松椿復調營兵四百  
名令遊擊閻兆祥帶兵五十名分巡河下鎮守備黃贊恩  
帶兵五十名分巡東南鄉遊擊馬長華帶兵一百名分巡  
西南鄉

七月崔河匪首劉必高聚三百人將舉事犯車橋邑令李  
明垣往捕獲匪四人毀賊巢必高遁去閏八月必高在鎮  
江就擒械至淮寘於法

郡庠元鑄祭器春秋兩丁取出備用祭事畢度於尊經閣  
上木櫺中銅質精美欵識俱陽文凸出其目備載於丁氏  
元鑄祭器錄范氏淮流一勺淮壩小記諸書光緒二十八  
年壬寅七月二十五日夜尊經閣火諸器悉毀然應鎔化  
成餅乃杳無踪跡司祭者不復追求餘人皆局外羣相詫  
怪而已後有見售銅爵於揚州市上者

二十九年三月郵傳部設電報局於府署東茶廳  
閏五月城鎮商店憤房捐苛斂罷市四日先是二十八年



四月省委陸大令景澄赴山陽辦理房捐景澄武健嚴酷  
商人以欸出自房主悉據實以報七月改為主客各半商  
人悔之憤無可洩今年春麥歉收業劇財匱積欠捐欸是  
時景澄為府署讞員與縣幕范春圃議率役沿門催繳不  
應則縲縶從之河下鎮收捐吏役尤強橫有攫商人衣物  
或雞豚計錢抵償而故低其值者商人愈憤十一日聚眾  
數百人入城號召罷市十二日相約至府署求減免太守  
張慶勛得景澄先入之言怒責商民八人觀者交鬩適聞  
漕督陸公元鼎馳檄至人心略平陸公舊令山陽有惠政  
得報檄令太守妥為安撫淮揚道沈瑜慶受陸命來撫慰

十三日太守迎至河下眾毀太守與士紳勸眾少安不聽  
閉市如故人情洶洶旋搗毀陸范二家金珠翠玉棄擲灑  
迤不可勝計次日沈公徒步入城反覆勸導復飭縣令孫  
錢齡提交陸景澄范春圃及差役高林蔡景等到案候懲  
陸范伺隙潛逃乃撤孫令任以汪詠沂代之酌改捐章其  
事始寢

味靜齋文集

三十一年美國林嘉美設福音堂於西門大街嗣於西長  
街分設醫院  
三十二年初夏淫雨累月運河水溢東隄數十里俱搶險  
城內積潦盈尺居民病涉一日數驚或謂頭涵洞裂或謂

山東河南水南下訛言四起人益惶悚設保隄局於三皇廟六月寶應城北二里西岸決水洩十月設局篆香樓振飢萬民蟻聚黯者肇釁毀局未終事而罷十二月改就四鄉攤振

三十三年徐海水荒災及安桃飢民就食江南道殣相望美國醫院林亨理與邑人議設山陽義賑扶持所于東門外田功祠留養婦孺有疾病者日給饘粥湯藥死則予以樽人心感動助錢米者日多自二月迄五月杪以麥熟遣散按遠近給川資餼糧鬻兒女者贖還之共費二千餘金活災民六百餘口司其事者十餘人惟張鴻翥司醫藥染

疫較重病死

鴻翥字玉齋振起次子年甫三十餘

宣統元年三月初六日三台閣災閣為奎光亭舊址閣後地稍窪即古之躍龍池乾隆己卯阮太史大脩兩庠並建是閣易今名貯府縣志版於中嘉慶乙亥<sub>二十</sub>年寺僧失慎閣焚志版全燬其年邑人募捐重建至是又被燬

二年秋南門子城圯壓斃五人傷者十二人 除夕大雷雨

長湖墾殖公司湖南庶吉士曹典初安徽知州鮑友恪等於宣統二年創辦在邑西南白馬湖泰字鄉太平圩之東北隅購地水荒六區旱荒六區後又逐漸推廣墾成兩圩

熟田共逾萬畝築堤五石洞一塘一渠二溝十三建屋三所四圍環水中通數橋北樓瞭望南樓爲田祖祠暨水土神祠餘屋囤貯穀粟隙地植中外花木以供暇時娛玩又督佃種棉飼蠶去墾務處里餘招徠聚處興集成市設織布工廠製繭工廠罐頭製造所數處又設農墾講習所及農家識字學塾河曰豐潤集曰豐敞教養生聚亦振興農業之創舉也該公司並刊有墾殖公司一覽及實地測量圖佃農自治規約第一次報告書各種三年正月朔霜被地如雪二十五日地震

續纂山陽縣志卷十六

刊誤

重脩姓名一葉七行分巡淮陽當作淮揚

目錄一葉五行塘堰當作壩堰

四境水利圖陡溝當作陡溝鄉坊田畝圖作徙溝尤誤

府學圖以下九圖均宜增東西南北字

卷二建寘二葉十七行沈光增當作光曾按爲秀水人著

安瀾文獻一卷收入四庫全書存日本卷九葉常平倉

下卽作沈光曾

又五葉十一行舊城西水關在西門之南舊通舟楫可達

西湖自運道改由城西始卽其處建響水閘引運水入城水關減小不復如舊按此沿乾隆志之誤山陽志遺云昔時南門迤西有一水門凡南來糧艘到淮俱泊舟南角樓旗丁糧長皆由此閘入城據此是舊水門必去南角樓不遠今在西門之南僅數十步必非原處乾隆志云始建響水閘今於始字下增卽其處二字嫌於武斷又按舊府志卷五市河下云自築隄成運河後改建一小閘其制甚陋由西門稍南數十步穿城下入觀改建字可知其非原處矣

又六葉十五行袁端愍宜作端敏

又七葉十七行萬曆七年都御史凌雲翼移於縣學東是爲今署卽淮安衛舊署也邑人邱聞衣縣學舊制說曰萬曆中漕撫李三才以衛治爲漕署竝剏大觀樓與舊志說殊異按李三才任在萬曆二十七年遠在凌後當是凌改建今署至李始剏大觀樓耳邱誤以移署爲李任中事故不免於歧異

又九葉十五行先農壇有籍田四畝餘據信今錄籍田九畝四分 十六行淮安衛厲壇東門外與大河衛同處按信今錄淮安衛厲壇在東門外辛甸坊大河衛厲壇在下關鎮海莊此誤云同處

又十葉九行孚祐帝君廟府治東按於嘉慶九年以舊淮揚道署改建詳見信今錄

又十一葉四行傅公祠今爲文昌祠按當爲文昌宮與前方一律 十四行三賢祠舊有孔節婦祠今在祠內按語未明析當云今併入祠內

又十二葉九行三臺閣按當作台 十行楚元王廟注宋建元中當作建炎

又十三葉十行藥王廟北門大街按自雷神殿以下寺觀三十九所皆不在城內此廟當移列於前

又十四葉十二行南街注轉東自北門口自當作至

又十五葉十四行塗金巷按塗同旒此當作塗

又十六葉一行名宦祠市宦當作臣

又十八葉十四行四鎮溝坊按乾隆志作四鋪溝坊

又廿一葉十五行北辰堰注至宋始爲直達綱漕舟由六閘入淮按此段本郡國利病書原無綱字

又廿四葉六行防誤妨

卷三水利十五葉七行按畝灘派當作攤 卅葉七行同

又十八葉十行注上濬菊花溝據乾隆志濬當作循

又卅二葉十八行南起黃家馬頭北抵小石閘按南北字當互易小石閘在南去將軍廟約二里黃家馬頭在北

去清江文渠溝不遠觀前縣境水利圖便明

又卅六葉一行河勢狹溢當作隘卅九葉十八行同

又卅七葉十行青洲澗當作州

卷四漕運九葉九行不在此次核改新章之例例或當作

內抑作列

卷五職官二葉末行李君才楚州行軍參軍按上軍字衍

新府志不誤

又三葉二行許法光陸安人按新唐書法光安陸人此誤

倒 三行劉胤之楚州刺史按卽後第八行之劉允之

胤避 廟諱作允復出宜削 四行注新唐書宰相世

系表許君明梁楚州刺史子引周亦爲楚州按梁無楚

州據舊唐書許紹傳祖弘父法光俱爲楚州刺史蓋弘

在周爲楚州刺史非梁臣也新書表誤以弘周連讀故

來此志之疑 九行裴思訓楚州刺史按當在開元前

十一行路寰貞元時楚州刺史據德宗紀爲貞元十

一年 十三行嚴譽楚州刺史開成初據舊唐文宗紀

在開成二年

又四葉四行楊範楚州刺史按範字憲之見新唐書宰相

世系表 七行李崧楚州兵曹參軍按當作劉崧字子

高任參軍在太和八年見全唐文七百五十七 八行

鄭仁統楚州司曹參軍據新唐書世系表當作司倉

十行郭行愈即郭行餘之訛當削 十一行崔鄧即崔

邴之訛邴字士則見新唐書宰相世系表李敬芳當作

方 郭元載及下一行顧元之兩元字俱當作玄 十

六行張闕夫按張下一字原闕當旁注闕字或作口此

誤 十七行盧口判官按即下盧恕此當削 十九行

權曹當作權富盛知止當作盧弘正此俱誤外司馬俊

營田判官失載當補

又五葉六行嚴可求楚州團練使按十國春秋云徐知誥

謀出可求為楚州刺史溫留可求不遣是可求未嘗莅

楚更無為團練使之事當削 十行李承嗣楚州刺史

按舊五代史本傳入淮南為楚州節度使非刺史也

十四行李仲翊楚州推官按六葉十九行又有李仲翊

祥符二年楚州推官此為複出當削

又六葉十五行鄭防當作昉光緒府志不誤 十六行趙

從溥楚州觀察使檢宋史世系表作建州當削

又七葉三行林偉天聖五年進士見福建通志 四行林

世矩按福建通志慶歷六年進士此誤以慶歷六年系

進士之下是以登第之年為任職之年矣大誤 十三

行許及之楚州教授按字深甫永嘉人隆興元年進士

續纂山陽縣志 卷十六 五  
見宋詩紀事 十七行趙挺之知楚州據節孝集在元祐五年

又八葉十七行藍思稷思當作師據夷堅志知楚州在紹興三十年庚辰 吳超知楚州按在乾道中 十九行趙礪老知楚州據蘇州志字渭孫乾道八年以通直郎知楚州

又九葉六行李孟傳楚州司事參軍按當作司戶 十二行胡明據資治通鑑當作胡則 十四行林升莆田人進士按福建通志升作井淳熙二年進士 十五行梁丙按爲慶元五年進士見福建通志 二十行陳達知

楚州據福建通志達當作達羅源人開禧元年進士

又十葉十行朱寄亭楚州通判按節孝集朱吳郡人佚其名寄亭朱所構此逕以寄亭爲朱名誤甚 林概福清人知淮安軍按福建通志作懷安軍注云宋史本傳誤作淮 十九行宋琳當作朱琳

又十一葉四行許作楨當作維楨 九行趙宗知淮安路總管據淮陰金石僅存錄宗下脫道字 十五行張彧學政當作學正 十六行相居仁判官僅存錄作推官 黑廝管府事據原碑作淮安路同知 十七行周孚先直學據原碑直學周立光無周孚先達世帖睦邇當作



爾

又十三葉五行注具措當作措

又十四葉一行及七行元年下俱少一任字

又十五葉十八行陳烱臨州人州當作川 二十行注賚

銀幣賚當作賚

又十六葉十行陳于階據乾隆府志當作于陞

又十七葉二行王紀萬歷四十五年任六行陳薦萬歷四

十年任年分倒置府志陳在王前是 八行郭尙友下

脫濰縣人三字當據舊府志補 十一行注致仕誤致

任

又廿葉八行徐標山東濟甯人見徐州府志

又廿三葉五行知府范中洪武元年任按中任在丙午為

元順帝至元二十六年後二年始建元洪武光緒府志

辨之甚詳 六行任光祖山西介休人見汾州志光緒

府志下有蔡叔瑜九年任當補舊府志無 八行姬規

當作姬珪此沿舊志之誤

又廿四葉九行邊憲府志云任邱人當據補 十一行趙

俊內江人進士正德元年任按明史許天錫傳海陽周

鑰為兵科給事中勘事淮安與知府趙俊善俊許貸千

金既而不與時奉使還者瑾皆索重賄鑰計無所出舟

行至桃源自刎從者救之已不能言取紙書趙知府誤  
我遂卒事聞繫俊至京責鑰死狀竟坐俊罪瑾謂劉瑾  
又廿五葉八行劉祐下舊府志云重刻節孝集當照補又  
按四庫全書提要祐嘉靖癸丑進士官至大同巡撫撰  
文章正論十五卷 十四行宋伯華字汝合據青州志  
合乃含字之訛於華字方有關合  
又廿六葉十一行田所賦樂昌人據青州志當作昌樂  
又廿七葉十一行田助二十八年任人當作八  
又廿八葉十一行羅衡孟陽人按衡下落允字孟陽當作  
益陽光緒府志不誤

又廿九葉五行謝用械據新舊府志皆作用械 七行李  
維東見前按前同知有李繼東此誤作維 十九行推  
官季鎬按兩府志季皆作李

又卅葉六行胡堯時十五年任按誤系於八年侯甯十二  
年張思之前 九行傅明會據金石僅存錄當作鳴會  
新府志誤同 十行王廷贍乾隆府志作贍 十四行  
曹于汴注修安定節孝及陸秀夫諸祠朔望集諸生講  
學按四庫全書提要曹于汴共發編四卷乃爲淮安推  
官講學安定祠內與門人問答之語 十八行張時弼  
南昌人據金石僅存錄字國樞新建人此與新府志俱

續纂山陽縣志 卷十六  
只舉其府名

又卅三葉十四行學校誤作學教

又卅四葉九行業宜養新府志作葉誤江甯多此姓十三行未廣明未當作朱 十五行劉一琮下據淮壩小記脫見穆堂初稿五字

又卅五葉十六行周立義慈豁人豁當作谿

卷六職官三葉三行注諡清恪宜作勤慤

又四葉三行袁甲三項城人誤作商城

又八葉十三行知府張文衡下光緒府志有謝道當據補又九葉七行于木弘當作本弘或因畫細未印出

又十一葉十七行青助滿洲人黃旗人上人字據信今錄當作正

又十二葉二行張宗渭信今錄張作孫光緒府志不誤

又十三葉十三行敎授楊金鼎據松江志鼎作鼎

又十七葉一行知縣張世鏌未到任按通志順治十五年任 四行邵士當作邵士舊志不誤

又十八葉七行程宇觀南州人據舊志南當作商

又十九葉一行江澣當作瀚沈觀銘府志作觀銘

卷七民賦二十四葉一行注二百七十七下少石字又上下兩秒字俱誤作抄

卷八學校二葉十二行嘉熙間教授章士元重脩按本書  
職官有淮安軍分教張上元無章士元其曰章士元重  
脩者蓋本乾隆府志注云學正宋肅記職官於張上元  
宋肅二人之上別出余士元淮安軍分教當是誤章為  
張又誤為余又誤士元為上元故兩存之乾隆府志之  
張上元即章士元之訛當改正余士元張上元二名俱  
宜削去

又四葉府學鄉賢祠注明李徵誤作澂沈珩誤作瑤陳圮  
龍誤奪龍字裴天祐誤作天祐潘弘張和名皆重見清  
黃起鶚周龍甲劉昌言均誤為明人鶚又誤作鵬

又五葉府學孝子祠注明郭郊誤作效周元相誤奪相字  
王琪誤作琪王柱民誤作桂民清張璵若誤作奭若陳  
學興誤作照學高建勳誤作廷勳宋桓貽誤作恒貽陳  
弘道誤作弘通田富可誤作可富王國珍誤作同珍徐  
誠誤作誠凌鏗誤作堂李建學誤作廷學王世泰誤作  
世太其以明人作 國朝人尤多 張以忠誤作以中已  
辨見卷十三人物  
又七葉三行知縣黃清職官志作黃浩舊志同當照改  
又八葉十六行名宦祠注王謙光按府志唐有淮陰令王  
光謙此誤倒

又九葉府學鄉賢祠注明李徵誤作徵王久章誤作允章

續纂山陽縣志 卷十一  
清黃起鶚誤脫鶚字按康熙府志勉恩類有黃起鶚宣  
泰之父本書作起鵬府學鄉賢祠條下乾隆縣志作起鵠皆誤  
字也

卷九選舉二葉十一行齊政注洪武丁丑科進士考皇明  
貢舉考丁丑科春夏兩榜並無政名檢南國賢書政之  
鄉榜在建文己卯會試不得反在前此必有誤按汾州  
志宦績傳齊政洪武十一年以進士知孝義縣職官表  
云洪武庚辰進士十一年任洪武無庚辰必九年丙辰  
進士十一年戊午出知孝義己卯必乙卯之訛乙己形  
近致誤乙卯鄉舉丙辰釋褐閱一年出宰孝義如此方

合

又第四葉第五行王風仁別見太學題名碑錄其鄉科未  
詳按風仁盱眙人鄉科爲崇禎己卯見乾隆盱眙志又  
按盱志趙之槿王令尹傳云君先淮陰人或太學題名  
碑著其祖籍而府縣志遂列入歟

又六葉九行吳豫廣昌縣訓導按福建通志吳豫山陽舉  
人官汀州府通判永樂間任 十八行胡靖壽張知縣  
按舊志作訓導當改正

又八葉八行黃傑湖口知縣據潘氏譜終隰州知州 十  
九行倪魯臨清知縣按臨清是州非縣據青州志魯任

臨淄知縣當照改

又十四葉三行王安甯波府同知按舊志原作甯波知府  
當改正 七行劉勤下落孫智 十行張縉開元縣典  
史按係開化之誤

又十四葉十八行曹竑處州同知據處州志作紘

又十五葉一行劉源下落以上府學四字 十一行薛英  
偃師知縣按乾隆府縣志皆作縣丞 二十行葉源平  
遠縣訓導按源任平度訓導見平度志此誤作平遠

又十六葉五行吳景汀州府通判天啟府志作吳景福建  
通志作吳景本書上少一撇不成字乾隆志作景亦誤

末行唐像按青州志像作濼官安邱縣又楊永脩據  
宋氏譜永脩理子宮嘉祥訓導均宜補

又十七葉一行楊富官平度訓導見平度志 二行童錡  
按東平州志錡作琦官東平教諭 五行王銓常德教  
諭見宋氏譜 六行金樓官新興州知州見潘譜 七  
行李節據李氏譜任湖廣宣慰司經歷 十行顧翼任  
甯海州學正見甯海志 十五行馬湘冠縣教諭冠當  
作完 十八行亢津津當作泮

又十八葉十二行宋士奇按萬曆貢已有宋士奇據宋氏  
譜此當作士魁

又十九葉四行宋秉彝石樓主簿按汾州志作宗秉彝字孝先宋字誤 十行張應舉按爲張致中高祖官沂州學博見符山堂集又張憲光爲養重父與安東拔貢官韶州通判者是兩人

又廿葉一行張而闇官常熟訓導見蘇州志

又廿二葉九行屠璜誤作瑛 十一行唐汝南據信今錄作汝楠肆雅錄同

又廿四葉十行徵辟邱迴誤作邱迴

又廿五葉三行武進士周于德名下注云以上嘉靖十四年按當作嘉靖乙未 五行葉允武注壬辰會試第一

據淮關志允武爲御史葉恩子字健庵邑廩生有時名時有文入武闈之例中萬曆癸巳武會元未仕按癸巳不逢會試之年原志不誤

又卅一葉十五行朱文蔚山東鹽運司通判按淮關志作膠州通判

又卅二葉二行高淮巖據青州志當作維巖舊志不誤

卷十一人物十二葉四行漢王誤作漢人

又十三葉十三行不知宜作不如

卷十一人物卅四葉十五行蔡彥規傳乃以成事付其孫王正注山陽志遺作孫正按志遺云卽以成事付其孫

正非以孫正爲姓名又按原志云付其孫王正行其所  
未了者獨未爲埋銘一事不見其棺就窆耳行字連上  
讀乃其孫之名此以行字連下讀殊誤又傳後附鄭桂  
傳考處州志鄭桂宋紹興間任仕履顯著宜專立一傳  
又卅六葉十五行繆朝宗傳以環衛官知梅州從文天祥  
於平江接梅州遠在粵中不得有從至平江之事天啟  
府志通志俱作海州是也

又卅八葉三行韓渙字叔亨按天啟光緒兩府志俱作叔  
字通志同 十五行卞思義傳詩多失傳所存玉山雅  
集乃十之一二按四庫全書提要玉山名勝集八卷草

堂雅集十三卷皆顧阿瑛所編中載宜之詩非謂卽宜  
之所著也藝文徑以玉山雅集屬之宜之誤甚且玉山  
名勝集草堂雅集各爲一書此捏合爲一尤涉杜撰當  
改云草堂雅集所載乃十之一二傳後云又有趙清澗  
山陽志遺作清簡按志遺實作清澗

卷十二人物二葉十五行張士彬永樂中才行卓異薦  
按通志作洪武中天啟府志同

又八葉八行貽旤誤作胎旤

又九葉七行龔遂榮傳注詳水東日記及顏寶堂見聞錄  
顏寶字誤當倒轉



又十葉第五行張和傳差保定抽分時宦官世據關隘接  
天啟府志及通志宦官字俱作守臣 十二行趙沅傳  
字汝遠按天啟府志通志俱作字叔達

又十六葉十九行楊谷傳字遷鶯舊府縣志俱作遷喬

又廿葉十一行吳承恩傳邑人邱正綱收拾殘缺按邱名  
度字震岡射陽之甥本書有傳當舉其名作正綱亦誤  
又廿八葉四行棹楔當作綽楔 十三行張衣子大程誤  
作大成

又卅七葉四行王略傳據潘耒懷舊賦略卒於己酉七月  
爲康熙八年安得爲明人似當移入 國朝

卷十三人物一葉張弼傳取鬻書之值爲刊廣韻及音學  
五書向皆謂力臣鬻產爲亭林刊書大誤蓋亭林以鬻  
產之值挽力臣爲校刊耳亭林答曾庭聞書云音學五  
書四十卷今方付剞劂其梨棗之工悉出於先人之所  
遺故國之餘澤而未嘗取諸人也觀此可知前說之謬  
又二葉一行兄弧弟穀誤穀弧皆力臣弟次亦誤  
又五葉三行張應錫傳父以中當代兄子赴獄無怨色按  
康熙府志列女張福妻姚氏夫亡遺長子以忠七歲次  
子以孝五歲孫應錫中武進士中當作忠有弟無兄兄  
子當作弟子此沿乾隆府縣志之誤

又八葉戴時選傳京口陳虎侯以進士教授淮上按職官  
陳名烜又云金衛堂令四川按衛堂名城順治辛卯舉  
人官四川金堂縣兩人皆當舉其名

又十葉陸求可傳又有陳美典與台孫爲兄弟行並有時  
名陳定生嘗稱爲吾家二夫子按兩人實非同族

又十三葉李鎧傳歷知綏陽蓋平鐵嶺諸縣事有惠政丁  
母憂歸入關時徒跣扶柩日行百里按鎧行述初除蜀  
之綏陽康熙八年奉母到官十二年正月母卒十三年  
三月扶柩歸十五年補奉天之蓋平旋舉鴻博始終無  
令鐵嶺一事入關與丁憂更風馬牛不相及係沿山陽

耆舊詩及茶餘客話之誤舊志敘述不謬據行述云由  
綏陽至黔省之溪江口陸程五六百里複嶺窄徑又時  
冬月山路積雪鎧及兄鋌徒跣泥淖中忽失足墜懸崖  
下幸爲古樹所撐得披藤而上蓋神助也與志所述情  
形相合特非入關時耳鎧生平踐履篤實不愧儒林舊  
府縣志列鎧文苑頗失其實

又十七葉尙脩調傳據三岡識略事在康熙己巳二十八年將  
軍某爲楊捷疏參者爲河東道御史阮爾詢較原志爲  
詳宜標其名

又二十葉十九行乃以綱爲經綱下脫目字

續纂山陽縣志 卷一六  
又二十一葉一行別作考正數十卷按考正上脫二字謂  
正考正考異也藝文目不誤 五行何源濬傳授建甯  
府通判值耿逆背叛舉家陷賊隻身赴浙江請兵賊破  
以功授知紹興府按福建通志康熙十二年源濬任建  
甯通判覲歸過浦城聞耿變妻子陷城中從役勸之投  
順源濬誓死不從徒步趨杭州請兵云云與山陽志大  
略相同惟從役勸投順誓死不從一節漏敘且適覲歸  
故能隻身赴浙與臨難潛遁者不同原志似欠明曉

又廿四葉十六行刑科誤作刑部

又廿六葉周憲傳海內承平久士咸以文章自負弘俊而  
外若杜首昌徐轉迅倪典學邱聞衣鄒增王燦鮑斐英  
邱起元魯顛皆其選也按魯字靖夫專心正學傳語尙  
不失真惟廁於文士之末未見允當宜改附顧諱之後  
十二行杜首昌著杜稿編年數十卷此沿舊志按書  
見存實只三冊藝文目未著卷數

又卅四葉一行放遠山遠當作還

卷十四人物三葉十三行任瑗子棟游跡半天下嘗脩邵  
武府志主講杭州書院按信今錄邵武太守張鳳孫延  
脩府志留主杭州書院邵武屬閩杭州屬浙何云留主  
蓋棟主講邵武之杭川書院耳攷福建通志杭川一名

大溪屬光澤縣此以爲杭州誤矣 十九行沈伽孺傳  
著有學經衍義學當作孝

又十一葉十二行楊繼盛誤作揚

又十五葉末行孫雲龍字漢瞻按當作瞻

又十七葉五行常循沈滯諸生中二十年乾隆中官國子  
助教按此傳采用信今錄原云沈滯諸生中二十年學  
日積戊子鄉舉壬辰會試登中正榜授國子監學正遷  
助教志刪去中間一段血脉欠貫若於乾隆中句下增  
由明通榜進士六字則情勢明瞭矣

又十八葉二行金章字玉立工花卉按章一字仲玉明季

諸生城內金畫土巷卽其故居當敘於何張之前

又二十葉十三行上書房誤作尙

又二十二葉四行包祚永宜作包承祚

又二十四葉七行固字下少一知字 十三行減異同加  
減異字當倒轉 十四行天元一誤作元天一

又二十五葉十八行故字下少一多字

又四十三葉二行忠愍宜作忠烈四行同

又四十四葉十二行穴誤作宀

又四十五葉十三行未嘗下少一以字

卷十五人物七葉九行自旦至暮自誤作日

卷十六列女九葉九行李見碑作李現

此並下卷皆以節祠刊碑校正然亦

有不可從者詳本條下

又十一葉五行蹤大鵬碑作一鵬

又十二葉八行汪功敏碑作敏功 二十行劉昌緒妾熊

氏碑作妻

又十三葉九行張克信妻章氏碑作張氏

又十七葉十一行程坤碑作程伸

又十八葉十七行盧學遠碑作孚遠

又二十葉十一行楊某妻邱氏注舊志云時方在室楊某

父病刲股和藥遣侍婢以進按楊某當作楊臣字東軒

邱氏編脩開沅母也碑作貢生楊士傑大誤士傑臣父

據楊氏譜娶俞氏

卷十七列女二葉十二行王恂碑作王岫

又三葉五行俞廷梁妻成氏碑作陳氏 八行廩生黃廷

樟按肆雅錄正作廷樟且黃氏昆季名俱從木碑作廷

璋誤 十七行秦廷棟妻任氏按即廣西按察使煥之

母也

又五葉十九行丁應斗妻陳氏子顯登賢書有時名有傳

又七葉七行詹焜妻童氏與同葉十二行詹致中妻童氏

係一人

又十葉十七行丁耀南繼妻劉氏按氏子賜綬舉人官金

壇教諭此與上秦煥丁顯宜附著其名以章苦節之報

又十三葉十行王德誠誠字誤應作誠 十八行程世坦

碑作世坦

又十四葉十六行許氏女字張珣珣字竹儕諸生見人物

又十五葉四行李氏女許字亢懷按懷亦諸生李滄州人

五行楊氏女名維瑛許字鹽城樂之商按事見阮鍾

瑛脩凝齋集維瑛女父名此誤奪父字幾以維瑛為貞

女名矣之商為詩人樂六舞之子 十八行王雨金妻

祁氏與次行王雨笠妻祁氏係一人

又十六葉九行郝靜曷碑作靜疆疆曷古今字郝其年碑

作其連 十行王日熙碑作日照

又十七葉六行梁國仁碑作仁國 七行錢煥妻朱氏碑

作錢煥繼妻 十一行丁兆曾碑作肇曾 十六行戴

鳳詔碑作鳳兆

又十八葉一行鍾萬源妻口氏碑作鍾氏 八行程植妻

車氏碑作朱氏 九行張圻妻李氏碑作繼妻

又十九葉七行錢德弘碑作德宏或避諱 十三行黃煥

碑作黃煥 十五行汪春槐妻陳氏碑作程氏

又二十葉一行杜象成妻劉氏與前卷十六十二葉五行

複又阮芝生妾陳氏碑作繼妻 六行傅德光碑作德

明 七行沈萬鍾碑作倪萬鍾 十三行鄭弘慶碑作

宏慶或避諱 十五行許銘妻湯氏碑作馮氏

又二十一葉五行鄒文碑作鄒玫 十二行王馨妻周氏

與前卷十六八葉九行複 十五行周達妻李氏碑作

季氏楊錫崙碑作楊崙 十六行周兆麒碑作兆驥

又二十二葉一行林澤碑作林澤 四行蕭廷弼碑作葛

廷弼

以上兩卷訛誤除詹焜王雨金王德誠皆據其後裔證明餘悉本節祠刊碑校正未知孰是俟考

卷十八藝文第一葉第七行王資深周書方言四十卷按

周書與方言本各為一書方言數十卷見嘉定山陽志

天啟康熙兩府志皆云周書并方言數十卷著一并字

尚不訛誤誤自乾隆府縣志始此徑改為四十卷更屬

武斷舊通志只收周書一種無卷數 十五行李亢文

會堂集亢當作元

又二葉十二行岳鍾秀類說一百卷按此沿舊志之誤類

說宋曾慥撰天啟丙寅岳知新野縣時所刊非岳著也

書見藏江陰繆氏亦只六十卷實無百卷與四庫提要

合前有岳序已收入山陽藝文志 十八行張致中學

志草學山草學志下羨草字

又三葉四行石可璽二子詩初刻按可璽詩與靳應昇台

刻故署二子 十二行徐越奏疏四卷按奏疏上宜據  
四庫提要補存齋二字 十三行周惕泰山詩選據周  
龍甲墓誌銘拓本泰山詩選亦龍甲著

又五葉十二行邱謹浩觀亭詩集亭當作堂

又七葉三行陳師濂聰訓堂集西湖小草按西湖小草乃  
張新標著書見存當削此改隸張下 十行汪桂栗葦  
詩存栗當作粟

又四葉十六行楊開沅景姚山房文集十四卷治河論四  
卷理學乙未論禹江詩集按十四卷者統治河論乙未  
論在內今全書鈔本見存卷一乙未論卷二習性全書  
三之六治河論七之十四文集十五十六詩集向來多  
未清析由未見全集底本耳

卷十九古蹟一葉三行射陽故城在縣西按後漢書臧洪  
傳章懷注射陽故城在今楚州安宜縣東安宜卽今寶  
應射陽故城既在寶應縣東北界山陽自當亦在山陽  
縣東不得在縣西光緒府志云在縣東南寶應縣東北  
得之

又二葉十一行山陽池未詳所在考三國志蔣濟傳文帝  
欲燒船於山陽池中通鑑池作湖卽精湖方輿紀要津  
湖在寶應縣南六十里卽精湖魏文帝滯舟處按卽今



之界首湖

又四葉十行藩府基不得爲古蹟澤清叛亂之徒不足爲重當削 十四行轉搬倉在運河西岸舊志唐時凡江淮運米暫儲此倉淮壩小記楚州立轉搬倉見宋史食貨志其法不久卽罷志謂唐立非是疑卽歐陽公于役志倉亭當附郭不遠志謂淮河西岸恐非按宋有富起宗監大軍倉蔡蕃監楚州西河倉謝景平監楚州西河轉搬倉朱口監楚州裝卸米倉潘鯁監楚州鹽倉已詳見職官補遺又王禹偁有贈呂通祕丞楚州監倉詩聞君公事苦喧卑紅粟堆前獨歛眉已入朝行翻掌庾未如畿尉且吟詩堰頭笑傲同張祐市裏優游比路隨惟有才名藏不得山陽留滯肯多時蓋楚州營署俱有倉運河西岸其一范氏之說固非光緒府志謂在北神堰其說亦泥 十五行紫極宮在東南隅今名紫霄宮按此說非也紫極宮卽城西南之天妃宮內有呂公題詩及李伯時畫猴戲馬雜見於宋人說部一作紫極觀張檢討范副貢皆主其說紫霄宮明代所建與紫極宮地址各異今沿茶餘客話之誤混而爲一疎矣 又五葉二行采芹亭淳熙間太守張冲遠建按淳熙十年章冲知楚州見吳莘學記舊志以章爲張已誤此作張

沖遠更非

又六葉七行鎮淮樓在漕署前舊志云宋鎮江都統司酒樓今不可考按漕署前之樓為譙樓高二丈五尺後改署曰南北樞機今日鎮淮見建若宋之鎮淮樓當在舊

州橋西路南康熙府志所稱本州酒樓名和豐者是也  
不可以今之譙樓當之 八行七星樓今府署東呂祖殿或云卽道署舊址按治東孚佑帝君廟已見建寘俗稱呂祖殿改建一節詳見信今錄不必用或云字

又七葉十九行恢台園在北門外郭家墩東按今之福建會館卽恢台園舊址郭家墩在城內見郭家池條下此誤

又八葉十七行唐石柱在縣學儀門內按實在儀門外

又九葉五行注枸杞下奪一井字

又十二葉八行牛家溝下檢郡國利病書脫許家溝三字  
卷二十雜記十一葉二行李聽條按與職官一第三葉復當并彼削此

又十七葉末行張大甯在宋爲名人山陽志遺謂文苑傳當列其名今已補立一傳雜記可互證

又卅葉末行丁從龍條領兵淮安攻破土城克復其地語意不明考福建通志忠節傳端平二年領兵討李全屯於淮安城下攻破土城全眾奔潰克復淮安轉忠翊郎

按李全死於揚州新塘在紹定四年此當指其餘黨  
又卅二葉二行鄭桂知縉雲縣有惠政按已增見卷十一  
此當削

卷廿一雜記三葉十九行石普條與職官複宜併前

又七葉十九行淮安府劉祥縣丞利儉爲賊所虜按職官  
一第廿四葉祥誤作詳注云正德七年流賊擾淮北祥  
合軍禦之境賴以安不及被虜一事蓋禦賊在被虜釋  
歸之後志特爲之諱耳府志引海州志事在六年十月  
說賊釋之者沈麟非沈麒縣丞利儉作沈陽縣丞程儉  
較可據又按明史陸完傳與祥同被虜者有靈璧知縣

陳伯安

又十葉六行有沈坤破倭兩則與本傳大同小異宜刪併  
又十二葉十行晚閉曉塞閉宜作開  
又十八葉十一行同土乃同上之訛

又廿七葉十六行康熙中漢陽方實夫令山陽後竟以辛  
卯科場事被戮按職官二第十七葉方名名名故四十  
八年任不及此事宜如王穀王伸漢例注明後以事伏  
法推官盧鑄鼎名下亦宜補注見卷六職官二第十二  
葉

又卅二葉六行奸民梁常保爲兵勇偵獲戮死按此非實

錄常保爲知府顧思堯緝獲筆死府堂下並未尸諸市朝也

